

續修廬州府志

地 230.11

774.68 139

新三 = 6

卷十三

水利志



續修廬州府志卷十三

花翎道銜江南安徽廬州府知府清泉黃 雲總修

水利志

肥不合湖湖不涉淮廬江來水經流并駭或陂或堰浚治普佳瀕江建閘利害關懷

水利舊迹

芍陂芍音鵠

漢書循吏傳王景遷廬江太守郡界有楚相孫叔敖所起芍陂稻田景乃驅率吏民修其蕪廢教用犁耕由是墾闢倍多境內豐給遂銘石刻誓令民知常禁唐太子賢注陂在今壽州安豐縣東陂徑百里灌田萬頃

續修廬州府志 卷十三 水利志

嘉慶志按廬郡水利始於孫叔敖之治芍陂枝流入合肥西北境內溉田利運閘澗水因之承肥合施故司馬遷班固謂合肥受南北湖今迹漸湮故肥水不通湖而合肥田亦不得其利舒城有七門堰與自漢羹頡侯後世累加浚治據樂史以為灌及廬江陂湖之利甲於一郡遺制至今尚存巢縣東興塘亦玉海所云古者治以屯田都尉南北朝增飾彌廣者也

魏志建安十四年曹公引水軍自淮出肥水軍合肥開芍陂稻田

又劉馥傳魏太祖表為揚州刺史單馬造合肥空城建立州治廣屯田興治芍陂及茹陂七門吳塘諸竭以溉

稻田官民有蓄

太平御覽按芍陂上承淠水南自霍山縣北界騶虞石入號曰濠水是北流注陂中凡經百里灌四萬頃

三十六圩

宋史薛季宣傳隆興中薛季宣淮西視師表廢田相原隰復合肥三十六圩蓋合肥之坪邊有警因以斷柵江

保巢湖

七門堰

輿地紀勝膾牘堰在舒城縣卽漢羹頡侯所築有羹頡侯廟

又七門堰魏劉馥廣屯田興治七門堰利民甚溥

續修廬州府志

卷十三 水利志

二

太平寰宇記七門堰在廬江縣南一百一十里劉馥爲

揚州刺史修築斷龍舒水灌田千五百頃

宋劉敞七門廟記嘉祐二年予爲廬州從事始以事至舒城觀所謂七門三堰者問其居人其漑田幾何對曰凡二千餘頃考於圖書實魏揚州刺史劉馥所造自魏至今七百有餘年矣予於是歎美其功時包君廓爲縣主簿嘗與予語及之包君謂予曰馥信有功然吾聞於耆老而得頡羹侯信焉初漢以龍舒之地封信爲列侯信乃爲民濬畝澮以廣漑浸信爲始甚至馥時廢而復修耳昔先王之典有功及民則祀之若信者亦可謂有功者乎然吾恨史冊之有遺而吾憐舒人之不忘其惠也今我將爲侯廟祀之而以馥配子幸爲我記之焉予因曰諾頃之包君以書告曰廟謹畢事予曰昔高帝之起宗室兄弟之有才能者賈以征伐顯交以出入傳命謹信爲功此二人皆裂地爲王連城數十代王喜以棄國見削而子濞亦用力戰王吳獨信區區僅得封侯而能勤心於民以興萬世之利其惠愛豈與賈濞相侔哉夫攻城野戰滅寇屠邑是二三子所謂能殺人者也與夫闢地墾土使數十萬之民世世無飢餓之患所謂善養人者若以相譬猶天地之懸絕也而賈濞以功自名

信不見錄豈殺人易以快意養人不見形象哉周公之書曰民功曰庸藉使信生當周公之世其受賞非賈渾之所敢望矣雖然彼賈渾之死泯滅無聞久矣而信至今猶思而記之此所謂得乎邱民而世之寵祿當時則榮沒則已焉者乎夫事有可繼之道不必肇於已而後為功也若劉刺史起於三國亂亡之餘蒸庶埽地顧獨以農為先事功一立迄今長存雖曰修復是可謂功矣予既嘉包君之能狗於民使侯信之美不忘及其建祀合於先王之法於

是書之遂以為記於明秦民悅重修七門堰記舒城之水源自於西山之峻嶺勢若建瓴然漢羹頡侯分封是邑有見於此乃荆七門烏羊膾膾三堰分治為陂為塘為溝凡一百餘所澆灌溉邑之田至二千頃之上三國時此堰幾廢後魏刺史劉公馥重加修築賴以不墜歷唐宋至今或廢或興實本乎上之人倡率之何如耳宏治癸亥亢陽不雨舒民以堰久不治詣郡控訴太守西充馬公汝礪聞之憂形於色詢於邑尹劉門張君惟善惟善曰西山之水流於七門達於龍王三門二蕩而後引為灌溉今龍王蕩岸崩塌隨治隨壞故力夥而無功公遂詢於邑之耆老得義官濮鈍之論以度地之術水行之性鈍之會其意抵邑履其源流相其高下歎曰水失其道吾得之

續修廬州府志

卷十三 水利志

三

矣蓋七門之水自西徂東注於巢湖此水之正道也昔人於七門之下河岸之右開一小支入沙河河口經龍王蕩蓄於三門蕩始派分之固當時所宜也頃年以來河體漸下入口頗逆我民嘗於龍王蕩用工培築遇水漲湍激垂成輒敗累日之功一時失之今見七門之側沙河口之上舊有一小渠號曰土橋水經侯家壩徑入三門蕩其流雖細而地勢未變高下相因比之沙河實近而弗迂使少加疏濬則用力少而成功多也白於邑尹謀於眾人僉曰善於是徵工發徒疏土橋渠以導其水之流開侯家壩以順其水之勢不一月閒源泉混混盈科而進其餘若堰蕩陂塘溝咸以次而治仍於三門蕩立為水則畫以尺寸使強者不得過取弱者不至失望焉故雖旱魃為虐坐慶西成銓艾蓋太守公倡率指示之功邑尹提督勞徠之力使非鈍之會意罄心又豈能告終厥事哉是宜特書役凡用夫四百名薪芻六千束有奇他無所費舒民感守令之惠甚深請予記其事云

秦民悅書七門廟碑記後廬郡太守西充馬公汝礪一日閱宋文鑑見先儒劉貢父所撰七門廟記撫卷歎曰漢羹頡侯劉刺史有功于舒人如此非斯文以載之抑孰能知其詳哉乃進縣尹薊門張君惟善問以廟之存亡惟善曰七門舒之名山也去城西南一舍餘廟久

續修廬州府志

卷十三

水利志

四

廢碑亦湮沒至國朝舒人遷其廟於邑治東飛霞亭之
 右號曰漢舒明王祠是已公復曰有功者則祀之禮也
 汝其督令修堰義官濮鈍之為吾重刻是文用垂永久
 亦宜也惟善退悉以公之言諭鈍之鈍之奉命惟謹乃
 采石於麓鳩工於肆不日而成以宏治丁丑冬十月朔
 樹於祠之左舒之人重觀乎此咸懽懽歎美而感公興
 舉之德為不置蓋事之契於良心之同然也嗚呼今天
 下環千里而典列郡號循良者固有之而或於目前之
 事有不暇及焉況能舉廢墜於千七百年之上者乎此
 其賢於人也遠矣侯與刺史之功固可書而太守公之
 德尤可書也因具其立碑之由跋於後是日資政大夫
 正治上卿南京兵部尚書邑人秦民悅邦約書
 明盛汝謙舒城縣重修水利記節略舒為江流要道廬
 郡塞邑也西去層峰峯起巒巒秀拔綺縮繡錯聯嵐四
 匝若為境保障而水利源頭出是西山峻嶺之下勢若
 建瓴奔騰崩潰汪洋浩蕩而民告病羹頡侯分封是邑
 直走西南見山濱大溪下有石洞如門者七乃分為三
 堰別為九陂瀦為十塘而壩而溝而沖也灌田二千餘
 頃而民賴以不病延至三國時水汜濫如故而民復病
 得魏劉刺史公馥重加修築而民賴以不病迨及明時
 水汜濫如故而民復病得蒙城劉公顯細增疏導而民
 賴以不病迄今百餘年來陵谷變遷河勢漸下有陂塘

為道路者有塘堰為沙隄者有民間侵佔致防水道者
 有洶湧激湍而淪沒故趾者有壅塞橫漲飄流民舍十
 餘里者致使春秋兩無禾麥而民之病者不可數計獨
 歲凶使然乎隆慶辛未姚侯來牧茲土竊有志焉以丁
 內艱歸萬歷乙亥復任於此遂條陳申府及院及撫部
 允其議侯乃同治農主薄趙舍郊野歷險阻徧故老田
 叟而諷之直窮水之故道午峰武君少泉楊君咸協力
 贊助適觀厥成由七門嶺以至十丈等陂則為修理由
 柳楊鹿角以至黃泥等壩則為疏通由含慈而路沛等
 處洋萍陂而六冲等壩則為還宮他若行水過溝如新
 增類難枚舉者又皆悉為躬閱而挑築但見高者平淺
 者深侵者復汎濫者消除淤填者濬淪水由地中行而
 歲見有秋矣舒人詣祠索余文以紀其事姚侯諱時鄰
 號顯齋河南延津縣人主簿趙諱應卿號萃野浙江甯
 海縣人

朱軾舒城縣開復縣河記年友蔣子治舒之明年准西
 秋旱以災告者一十八州縣衛所在扶持轉徙而舒民
 自若也余入舒境訪諸父老曰舒故沃土自縣河塞沿
 河七十里旱澇無資穀不登非歲之罪也吾邑侯籌此
 熟矣今已捐金糶粟又勸諭東西南稔鄉隨力捐助其
 得粟若干石下令募在北各鄉災民開復縣河夫工日

以千計人給粟若干民藉以無飢又幸將來之利賴無窮也故轉愁怨為歡笑言訖蔣子至為道開河廣長丈尺及工徒所需甚悉餘如父老言余曰救荒善矣開河之利尤大焉雖然用不繼奈何蔣子曰無虞也明年余假歸復過舒見環城清流如帶商賈舟楫倚郭門而泊者無算鵝鴨泳游筍比密而支流別港澹澗村舍者不可指數河之為利洵大矣哉近世守令汨汨簿書錢穀中救過不遑遇歲歉則愁怨咨嗟計無所之何暇為民生計久遠而號稱能吏者又率以擊斷相高諧媚相尚縣志河源發於孤井至中梅河合龍河口水會於七門嶺北折而至龍王瑞環繞縣治由三河鎮東入巢湖達於江萬歷時邑令陳魁士將河之北流改向七里河而南久之故道淤為陸越百有五十餘年蔣子因賑飢募民疏濬自龍王壩迄縣河口計長七十餘里寬二三丈不等掘深約八九尺一丈二尺不等挑方四萬九千三百九十有七工徒五萬一千人始事於康熙六十一年九月迄本年十二月凡三月而工竣蔣子名鶴鳴號子民戴之如父母其所與利除害不一而足開河其最著也

續修廬州府志

卷十三

水利

陳守仁復開贈贖堰詳稟為開復古堰以永水利事卑

職於雍正七年四月奉調舒城縣赴任之後詳查邑乘諮覽民情復行親歷四鄉恒以農田水利為急務凡圩田之築隄補堦高田之開塘濬壩或循照舊例或參酌時宜在在經歷督率毋使廢弛惟查舒邑有七門烏羊膾贖三堰開創於漢羹頡侯引大河之水流入堰內灌田數千餘頃一修於魏刺史劉馥再修於明舒邑令劉顯姚時麟歷漢至今民歌水利恩無窮獨城南膾贖一堰名存實廢詢諸里老土民僉稱緣因明季被水冲潰堰口淤泥日積月累漸成高阜地勢變更斥為輻輳民廬勢難變通溝路廢墜已久下阪二千餘石之田多成旱地從前士民每籲興復亦經準行奈動卽折房掘址以致控司控道批府批縣徒事繁擾顧此失彼終難舉修等語卑職再四思維因巡河徒步上下數里往返經營相度形勢乃於上流見一隙地外臨河濱內近城濠一經鑿通引水徑入城濠分流溝路由上而下其勢易行且水繞城郭更足護衛地方培潤文風各紳士民人聞言咸豁然稱快因問其地乃縣民林姓之業彼亦慷慨樂售以成美舉遂備價二十餘兩置買其地以開堰口該堰田多之紳士民人各願承頭督工開濬比於上年二月十一日興工本應將開堰緣由與工日期具文通報竊恐起工易而落成難未必遽有成效故未敢率瀆憲案詎意居民踴躍不約而同來不催而自至眾擎

易舉自堰口開濬引水貫通城濠下流分灌各壩約數
十里不數月間開濬通徹灌田二千六百七十八石三
斗計弓一百二十四頃六畝九分共該畝一萬二千四
百畝零盡獲有秋迨至今春各業戶齊率人工將溝路
中卸落浮泥沙土重加疏濬其水流通用之不竭已成
可久之經常川之利卑職正在敘文詳報以仰副憲臺
勤求民隱憐念民食之至意適據同堰食水人戶曾聞
勇等具呈為古堰已興懇乞詳請載志等情據此除嗣
後修濬工資及灌溉層序卑縣查編細冊設立規條飭
令遵守毋庸瑣陳外合將置地開復古堰功成完全情
由詳請憲臺核批載志以永水利併請飭示將首事之
李熾然等分別士民從優獎勵以鼓眾志伏乞照詳施
行

余汝霖重開古膾膾堰記舒邑水利發源蘄黃入南谿
通江湖溯漢羹頡侯封舒邑引流灌田二千餘頃七門
烏羊膾膾所謂三堰從茲始三國得魏刺史劉公馥有
明得豐城劉公顯延津姚公時麟相繼修復迄今七門
烏羊清流雪浪百道濬洞食利正溥惟膾膾與通衢接
房屋鱗如匝堰而構水道淤塞變為市園自萬歷開已
如是食水人民恒思疏濬歷任賢大夫亦欲重開奈地
勢岷岷烟火家家廬舍遠難折毀劫經雀角徒事紛糾
已耳計腴田二千六百餘石半入為旱地豈非膾膾堰

續修廬州府志

卷十三

水利志

廢之故歟雍正七年四月初石屏陳公自霍邱奉調來
舒留心水利加意民瘼稽邑乘詢故老親歷四鄉以岡
圩田畝為急務或循舊例或酌時宜補築開導益無一
不綜理周詳也一日循膾膾故道上下數里相度地勢
瞥於上流見隙地內近城濠外臨河畔詢之為林某業
林亦樂售勸美舉遂給價二十兩有奇論食水居民遇
農隙齊工開鑿他人毋濫及焉以雍正八年二月十一
日始公焦勞劬勸民樂趨之不數月水自回龍橋經任
道入橋入城濠分灌諸壩勢若建瓴遂使百餘年改地
之田計弓百二十四頃六畝九分為畝萬二千四百零
客歲盡獲有秋於乎休哉膾膾之水利已告成矣公猶
以為未也查編細冊設立規條鉞梓以頒農毗使承相
遵守更詳各憲於董率之才者分別優獎以鼓勵眾志
公且曰有司之事因循則無一可為奮然為之亦未必
難某於膾膾實親試之竊恐創始艱而廢墜易是大有
望於後之官斯土者加意飭督俾水常通苟非天災歲
罔不登公真可媲美三劉矣且此堰古名環帶繞郭文
瀾形家謂舒昔甲第蟬聯得力於此水之淳蓄居多自
是以往學校中人文蔚起加公之督課日月切磨將來
擢巍科登仕版者皆公之恩波也詎止灌溉田疇已乎
公諱守仁字近山己丑科
進士雍正九年後五月記

洋萍陂

江南通志在舒城縣楊林舖民多賴其利

江南通志明萬曆三年知舒城縣姚時鄰修水利自七門嶺至十丈陂並增築四年重築洋萍陂

東興塘

王海引薛氏曰孫氏割據作涂中東興塘以淹北道南朝瓦梁城塞後湖為淵障蔽長江號稱北海大抵淮東之地沮澤多而邱陵少淮西山澤相半無水隔者獨邾城白沙戍入武昌及六安舒城走南碇二路耳古人多於川澤之地立塘隄以遏水溉田在孫氏時盡罷縣邑治以屯田都尉自劉馥鄧艾之後大田淮南迨南北朝

續修廬州府志

卷三

水利志

七

增飾彌廣廬江有七門堰劉馥斷龍舒水作巢縣有東興堰諸葛恪作遏巢湖水

西官塘

江南通志在廬江縣溉田百餘頃縣境之塘凡六十有二俱為灌溉之利

鮑魚壩

明張克佳鮑魚壩議從古江流故道第自九江東注蕪江而隆萬以來稍稍西北向沿江地亦稍洗出此岸日崩則彼洲日長陸沈幾四十餘里萬曆丁亥戊子間起田陳公計戶口派夫役申兩臺築隄以捍起自鮑魚口故以名仍計水勢未可逼爭則棄壩外地諸圩於外以殺其勢而徐固吾圍隄成內地克稼民慶更生易名曰陳公壩志德也二十六年戊甲洪浸滔天生白孫公議補築之四十一年癸丑復大水築隄為二壩是後江勢日逼崩卸無常並二壩亦日促四十七年己未玉臺陳公從郡縉紳議置隄曰三壩幾幸江靈悔禍而輟齧因

著為令與民約每春糾合圩夫董以農官隸以夫長出禦江水使無內入意甚善也顧法始未嘗不振勵而後反為弊窟今直以故事奉行矣長民者趾不親隴畝第以屬之農官農官還受成於抱牘之吏勢家因緣賄囑遁役者十之二而官吏供億夫馬乾折士夫請託失初意矣至州倅裁而代以他署額外需之局內置之甚則假借以候缺巡司又甚則鑽刺以陰陽知印省祭而市井無賴之徒攪金寇攘及于雞犬三公之法變矣都長營充非神奸則宿猾一膺差票奇貨居之或折夫價而入私囊或利夫脫而冒官給其沿壩素封家望屋驛騷薄施厚索稍不修禮蹂躪詆諆村無甯宇弊至此而三公之法且若為民厲矣官不攷工長不率作羣嬉于飲博之場高臥于長林之地表裏彌縫朦朧結局於防捍何益乎至是而三公之良法美意殆漸滅無存矣有此三弊而欲以固吾圉夫何可得後有勤民者非具三公之精神以伸三公之約束此壩正未易言也土田已付波臣而逋賦追賠正未有已江南諸洲滄海桑田故吾濡土彼民以一水故攘有之北有不土之糧南有不糧之士王土王民何偏榮瘁災異上聞蠲卹下逮是所望于巡方貢俗之仁人云

神塘隄

續修廬州府志

卷十三

水利志

八

江南通志神塘隄在無為州南四十里明萬曆九年築

內民田悉成膏腴

清水堰

江南通志清水堰在無為州東津門外灌田百頃

黃金城牖

江西通志黃金城牖在無為州北十五里環流大小圩

八十所舊以木為之明正統元年始甃以石由是旱澇

無患今名季家牖

府屬今時水利

合肥圩七十有七

金斗

永豐

黃成

崇聖

義成

殷阮 神靈 高婆 新稍 沙灘

王家 北阮 三里岡 任家 倪家

楊婆 魏家壩 荒圩 黃公 創興

妙成 馬和 馬漲 義興 馬漲

石頭 西灣 東灣 潼大 南陵

四合 東興 小荒 施家灣 墨灣

燕圩 永東 沙灣 上西 下西

繆家 永成 南潑 蓮花 牛角大

白樂 上張 大張 下大 龍潭

七甲 新城 心張 白樂 臘樹

羅家 東小 西小 一浪 秀才

姚埠 三义 汪下 趙竹 宗陽

廖家 徐家 孫家 陳邦 楊七

胡連 新塘 馬圩 上大 中大

駱家 后岡

通志按合肥今有七十七圩東鄉之大者上大圩姚埠
圩各田千餘石南鄉最大者東灣圩田至三千六百石
次下大圩牛角大圩同大圩施家灣圩各田千餘石
塘三十有九

石牛 蘇陂 廬陂 龍谷 石記

稻陂 童安 黑龍 黃龍 萬勝

丁安 清明 圓培 萬湖 永安

大豐

附陂

周家

大塘

叁墩

大官

龍勝

小官

葛成

錢陂

枯草

白龍

金斗

大陂

赤山

再興

陷湖

龍塘

城山

金銀

白水

東赤

獨樹

蓮子

陂二十有四

潑椒

興材

斜蒿

煉山

和稻

黃鱔

叁冲

烏鳩

周稍

董大

鵝兒

上高

陸山

應家

魚龍

柳河

羅漢

侯鷹

竹塘

青陽

赤山

獨龍

折魚

拱陂

續修廬州府志

卷十三

水利志

十

壩三

淺壩

堰城

黑池

百子河在城東五十五里灌田千畝

烏柏壩在城東六十里灌田千畝

長甯河在城東六十里灌田數千畝

孔源五大塘在城東六十里灌田三百里

富家壩在城東六十里灌田三百畝

長灞蕩在城東六十里灌田三百畝

盛甯冲在城東六十五里灌田四百畝

陸家阪牖在城東六十五里潛溪河灌田四百畝

牛背塘在城東六十五里灌田五百畝

六車陂在撮城西四里灌田七百畝

草塘陂在撮城東二里灌田四百畝

宣家壩在撮城南三里灌田千餘畝

老壩障撮城河在撮城南十里灌田數萬畝

潮家塘在城南三十里灌田三百畝

茨家河在城南三十五里通豐樂河灌田甚多

胡家大塘在城南三十五里通豐樂河灌田三百餘畝

永安塘在城南六十三里灌田三百餘畝

護城河在西平門左一名樓河以稻香樓得名

石河在西平門右灌田千五百餘畝

黑池壩在石河北灌田千五百餘畝

續修廬州府志

卷十三

水利志

七

小官塘在城西七十五里花子岡西灌田千二百畝

金城河卽鐵索澗在城西九十里雙峰頂東北灌田三

百畝

陸家陂在城東北三十里灌田千餘畝

浪陂塘在城東北七十里石塘橋北灌田千餘畝

徐家官塘在城北九十里小馮集西灌田五百畝

陷湖陂在城東北七十里梁縣鄉東南灌田二千畝

竹絲壩在城東北九十里小峴口灌田千畝

袁楊壩在城東北百一十里小龍山南灌田千餘畝

馮家壩在城東北一百三十里古城集灌田千餘畝

廬江圩一百六十有三

胡家 宛家 梅家 方劉 上下厰

七星 黃家 龐家 詹家 周家

徐家 劉家 又劉家 南都 梅山

沈家 陶家 趙家 蔣家 畢家

朱家 何家 南山 石成 都圩

烏官 馬家 五連 鮑家 五分

楊子 越子 何家 荷葉 趙家

馬家 許家 張家 上大厰 陳家

劉家 西成 套圩 新圩 汪家

賈家 蓮塘 方家 蕭家 小圩

續修廬州府志

卷十三

水利志

十三

行堂 刁楊 趙家越 邢家越 張家越

四義 四興 大圩 小圩 李家

和尙 楊家 陳卞 白雪 張寶

羅城 大仙 黃新 湯家 蘆子

棠柳 刁沙 王家 張家 里仁

姚家 凌橋 汗圩 龐家 劉夏

徐家 柴埠渡 新圩 天井 芙蓉

蘇家 諸功 荻柴 呂家 黃家

莊圩 小新 歡團 萬豐 白塘

許家 長豐 趙家越 夏家 章家

黃沙 青草 盛家 義成 理興

柳旺 畢家 曹家 朱家 夏家越南

夏家越北 官圩 天井 古成 徐家

姚家 查家 徐家 龍家 白雪

范家越小 東旺 薛家 永興 新興

新齊 金墩 彭家 喬家 兜水

甄灣 長豐 梅孔 永安 永和越

大排埂 萬壽 小套 十大分 盛安

思甯 陳家 張家 依古越 小荒

大沙 貼趙灘 雙山越 菱草 王家

又沙 葫蘆 小沙 陳家 火燒

養馬 南宮 樊家 林子 北宮

續修廬州府志 卷十三 水利志 三

小姑 六從 直下

塘六十有一

西塘 上流陂 郭家陂陸 陳受貳 楊家

孫家 崔家 蔣家嶺 盤石岡 虎亢

大陂 東友成 楓香 六角 黃湖陂

周家 施家 鴻鶴陂 大路東 瓊陂

懷陂 黃鱔陂 官陂 六安 懷林陂

青山 竹陂 周家沖 東新陂 黃泥

蔣家 張慈悲 南中 盧大 白馬陂

陂塘 大塘 下流陂 鐵角陂 藕塘

梁山 鼓角陂 牛陂 岡陵 梅家陂

上陂 白陂 陳家陂 洪山陂 蓮荷
丁家 孔家陂 茭瓜 江陂 郡陂
塘堰 楊樹 黃家陂 魯班 洪陂

大新
堰三十有一

沙溪 梅家灣 王家圩 大城 顧家陂

大陶家 上堰 新堰 羅場 古埂

長堰 石堰 東河 千工 金等陂

蓮荷陂 唐家 施家 班家 梅家

相公 馬橋 梁家 吳家 順江陂

龍王堰 舊圩 連牽 民家 南陂

續修廬州府志 卷十三 水利志

古

蘇家

蕩四

斗皮 陳家 樊家 火燒

壩一十有八

下壩 上壩 劉家 關家 宋家

余家 行潭泊 柳家泊 界河 狗兒

潘家 郭思河 荅家河 汪家 土城

蘇家 青野河 棠棣河

舒城圩三十有六

大興 鵝背 鮑家 王麻 北阪

和豐 道公 王堡 牛心 徐家

姜家灣

朱家

胡家

王大

胡師曠

以上東北

方家

汪家

大信

正和

班家

學士

孫家

寶精

陸家

官圩

胡志

臺張

談揚徐

臨湖

荒圩

沙橋寺

史家

龍王

舒合

河南寺

童家阪

塘三十有一

陳道等

董興

金陂

烏雅

卓山

侯陂

夾山

陳山

春秋

山陂

遶山

黃古

小沖

西塘

南塘

破山

大沖

趙四

連四

又小沖

續修廬州府志

卷十三

水利志

十五

高羊

沙陂

朱家

官陂

井沖

老官

六沖

義塘

七星

郭西

八人

陂九

都管

翟公

洋萍

牛耳

塌慈

臥牛

含慈

青陵

十丈

堰三十有九

何家

都堂口

雙清橋

膳牘

古羅漢

荻草

千功

龍塘

梅子

聖公

周碧

先公

赤土岡

沙牛

老雅墩

楓香

烏羊

魚鱗

七門

馬家

伏龍 灰湯 梅家 豐林 羅漢

清風陂 黃石潭 高公 九公 蔣家

吳家 周文質 趙成 紇緒 短堰

商家 蕭家 百丈河 陶家

蕩四十

黃泥 查子 路沛 周家 李子榮

又李子榮 王廚 崔家 上沛河 白家

焦公 馬家 土陂 蔡家 三了

重陽 下沛河 小蕩 伏虎 第二

長湖 趙家 黃氏 三門 銀硃

下龍王 龍王 侯家壩 黃練 蛇頭

續修廬州府志 卷十三 水利志 六

洪家 蘇家 梘溝 新蕩 大格

柳楊 六角 羯羊 築城 馬家

古羅漢堰在縣南七里

周文質堰在界河

陳山塘在春秋山

春秋塘在石山背

破山塘在王家墩

南塘在小馬廠

大沖塘在長崗

小沖塘在築城墩

官陂塘在鷺鷥廟

六冲塘在雙女墩

翟公陂在縣東三十五里

十丈陂在板山以上十二條見安徽通志

無為圩一百一十有四

常豐 城子 大白 舊圩 蔡家

加成 王家 羊子 永豐 永安

直錢 正河 皂河 曹婆 福城

金斗 新興 城東 魯家以上無為知 土勝

港北 米家 長豐 景德 新圩

劉婆 聊家 神林 大夫岡 後成

門前 葉神 李家 加太 大成

續修廬州府志

卷十三

水利志

七

義成 永成 永甯 安慶 長腳

周家 金城 西灘 安谷 金家

長城以上太平鄉 大成 洮官 梅家 翟家

上勝 福興以上襄安鄉 大豐 陳義 陳慶

保甯 黃家 永勝 馬公 依興

太平 吳家 陳家 羅家 黃龍

侯北 陸家 寶成 神塘 王家

古家 興化 洪溪 仁和 許家

九河 北官 臨江 永安 神塘

走馬灘 青城 烏土 大家 宋家

練塘 楊青 青山 胡曠 姚家

蔣家 李家 永豐 查林 楊塘

楊山 大冊 金墩 土山 重慶

孤成 李家 雙城以上周銅鄉 臨湖 蘆廠

大有 符家 宋家 孟家 楊家

獐狃 楊柳 方家 董家以上北鄉

塘六

窰塘 蘇塘 太平 大泉陂 秀塘

潘家泊

陂三

上泊 太平 永安

堰一

續修廬州府志 卷十三 水利志 六

清水

壩一十有八

文成 張古 湯家 斗溝 臨江

余家 長壩 黃師灘 走馬灘 二壩

周思溝 鄭公 一壩 二壩 三壩

四壩 顏公 張公

鶴毛河距州南九十里源出九鄉山及白錫嶺漑山圩田千餘頃下注符家渡合黃陂湖及黃屯二水至餘水頃受白湖水而下十五里達於西河采訪冊

西河距州西南七十五里上承黃白二湖之水漑田尤多東流至山東灣由顧家渡入馬家渡下新河至飛雁

投湖飛雁投湖河道淤塞過半急宜疏濬 采訪冊

永安河距州西四十里源自白石山經開城橋至襄安

鎮溉田四十餘頃秋冬半涸春夏常盛亦由馬家渡下

新河至飛雁投湖二河舊皆入王家渡大河 江湖自泥汊口入則與

西河西來之水共匯繞於州城而東現泥汊堵塞湖漲之患可免而山洪

停滯秋冬亦無涸時圩田久成澤國是非急籌 建閘相時啟閉而出入焉不為功 采訪冊

泥汊河距城東南四十里下通大江現堵塞 曲折四五

十里灌溉兩岸田地二千餘頃上溯姚家溝匯飛雁投

湖歷一箭河三溪河繞東南入華林河徐折而歸黃洛

鎮現姚家溝建有月隄攔河埧已成止水須開百子河十五里始能西引下新河之水而注之江東歷一箭

三溪華林等河而歸黃洛鎮 采訪冊

續修廬州府志 卷十三 水利志 九

直皂河距城東南三十里來自泥汊江口上十里溯高

家溝分支經龍王廟至吳山人渡遶徐家灣出三溪大

河亘三十餘里四季長流不斷兩岸圩田賴此灌溉今

築橫埧成止水焉 采訪冊

裏河源自北山青檀街等處亘四十餘里經橫步橋至

十字河遶平安橋赴花家渡又南去十餘里為華張河

分入饒家橋由天河口耿家坂復流至花家渡二水合

歸州南城外出東津橋達華林大河而東春初雨足西

北之水俱折入二河入夏則外河之水溢於內沿河山

圩田畝各千餘頃皆資灌溉秋冬半涸尙存積水以備

車戽茲潤二麥焉 采訪冊

馬賜河一名青魚港源自州河三十里分汊有九曲十三折盤遶二十里至豸子口直下十里注運漕河歸裕溪入江春夏水盈秋冬半涸漑兩岸田地百餘頃采訪冊

黃洛河距州東北三十五里卽舊建漕倉處也其河三

倉西接巢湖南接州河東注運漕歸裕溪以入於江環

州東北一帶每春夏湖水下馳江湖瀰漫漑兩岸田

畝計數千頃采訪冊

奧龍河距州東一百二十里源接大江下通樸樹河抵

奧龍鎮經裕溪河出江內有支河港汊紆迴盤遶四十

餘里春夏盈滿秋冬半涸依河圩田千餘頃皆賴漑

乃東鄉上游一帶水利也采訪冊

續修廬州府志 卷十三 水利志

三

裕溪河距州東一百二十里北和川界上接運漕大河

四季盈滿不涸東鄉下游出畝俱賴此漑以上諸河

俱由此入大江云采訪冊

石灰河距州南一百里源自崑山竹絲湖中流與桐城

縣分界南屬桐北屬本州亘十餘里自入江四季不竭

漑州田五十餘頃采訪冊

夾江河俗名夾馬店河距州東南六十里亦資漑今

廢采訪冊

柵港河在神塘河內已圯廢采訪冊

神塘河距州東三十里舊通江同治十二年堵塞現議

建閘采訪冊

巢縣圩八十有五

官圩 三勝 張仙 高小 魏家

黃週 土橋 東百勝 南周 虎口

落城以上東鄉 沈家 蔡家 郭家 安城

義城 東塘 亞父 沙灘 山前

王家 官莊 劉家以上東北鄉 宋小 城落

沙埂 金元 八戶 新築 劉周

王家 朱家 孫艾 神燈 吳泰

姚家 永興以上南鄉 賈塘 武家 曹成

王家 瓦子 山成 孫家 柳莊

楊家 甯家 盤家 廟沖 沙董

續修廬州府志 卷十三 水利志

三

鮑小 鮑家 郭李 百勝 落引

蘆溪 河塘 朴城 沙圩 天井

周端以上西鄉 李家 三鄉 武成 王樸

都成 荒圩 太平 許家 河西

鴨舌 城子 小官 十家 蔣家

十步 解家以上西北鄉 周家 曹趙張 李家

厚家以上北鄉 王家 張易 錢家 馬蹄以上西北鄉

塘一十有九

高林 柘陂 石次 凡參 康陂

參柳陂 土陂 陳陂 鮑塘 宿陂

秦陂 黃泥 桐陂 謝陂 吳家

新陂

小陂

巖家

泉塘

堰五

野泊

魯家

西野

武家

周家

壩六

高林

馬尾河

高林下

李家

石次河

黑象

明楊循吉日合肥前奠平隆凡百里左湖右山而後亦廣野故有塘有圩舒則西南皆山尤多美田山泉之利號稱膏腴獨不濱湖故無圩以近山故資堰以地兼平行故有塘廬江有山東濱湖而平田居其七八故有塘有堰有壩有蕩湖山並資以爲灌溉由是歲鮮不登無

爲雖多山而近江其地平夷與江水相低昂又爲巢湖之所出故多圩田其大者有十皆引河渠爲灌其所利不啻萬頃而江流汎漲亦蹈其害巢西濱湖東通大江多圩田其南多山則亦有堰有壩而塘之大小雜然相望然當隴阪之間爲塘以灌皆民私力自潤僅僅取足旱則耕農先憂之大率其田視諸邑爲瘠

按廬屬惟合肥地高憂旱不憂澇他邑小澇則合肥大熟四境西北高憂旱爲甚陂塘築濬其可忽諸廬江雖有山東濱湖而地平夷田居七八舒城西南多山尤多美田山泉之利號稱膏腴無爲瀕江土地平曠與江水相低昂又爲巢湖之所出故多圩田爲利萬頃而江流

迅漲亦蹈其害顏公諸壩為保障巢邑西濱湖東通大江亦多圩田其南多山有堰有壩然當隴阪之間時有旱憂田視諸邑為瘠宜以陂塘為急務焉通志按所言多本楊氏

茲列於後

無為新壩一名顏公壩

江南通志新壩在無為州南舊時江流東注至鮑魚口地勢最下明代至

國朝順治中州守屢築隄曰一壩二壩三壩四壩而屢圯計州境民田漸次陸沈於江者四十餘里康熙八年知州顏堯揆築新壩八百八十丈後大水破諸壩而境內圩田以新壩得免

續修廬州府志

卷十三

水利志

顏堯揆四壩將成喜而作詩二首鞅掌無暇馳驅到水濱煙消麥浪暖花爛草橋春飛蓋添蒲綠輕衫映柳新逢逢聽伐鼓喜是築隄人去秋江患急頻首顙波臣長吏由飢溺蒼黎事苦辛綢繆應未雨畚鍤正當春願爾齊心力無忘告語詩

知州范從微開河築壩議無為素稱澤國南臨大江惟賴一線長隄抵禦江水隄決江漫不獨無為一郡盡為波臣而鄰屬均成淵藪所以志稱為和含廬巢之咽喉也從前江水順流隄外沙灘擁護可以無恐自前明時江中漲發新州橫亘江心致江水折而北趨江北沙灘日被汕刷其間自來河稍至劉公廟計五十餘里當衝被齧嘉靖間知州鄭惇典幫築長隄數十里以捍江湖尋塋入江萬曆十六年後州守陳應龍築首壩孫慈築二壩陳鳴熙築三壩前後盡圯於江國朝順治九年升知州佟國禎築四壩旋為江湖所齧康熙八年知州顏堯揆又築新壩即今五壩也自是以來歲撥糧夫增添月隄壩日遷地日促康熙六十年知州韓繼先集合州紳士議詳各憲按糧派夫自鮑家橋至文思庵修築壩隄一千二百餘丈抵禦江水奈江南之洲灘日長江水北埽日甚雍正年間署州事陳慶門知州翁是平俱經條議具詳卒不果行職於前歲蒞任親履江干目覩一線長隄橫抵江流其最險者為鮑魚口鮑家橋溜衝

壩根勢成壁立隨集合州紳耆酌議久長之計屏棄一
 切沈船種洲上游支水之說蓋以江流衝激其勢甚猛
 又俱沙土勢必不可行夫江日內侵斷須壩抵河外無地必
 河築壩切近可行西南眾流及廬邑黃白二河之水經由
 先遷河是河也西阻逼查王家渡大河內原有古河一道
 以出不可一日阻逼查王家渡大河內原有古河一道
 西起馬家開東至灣河計長二十餘里此河一開大
 河可塞於是就塞河之塘與築新隄既禦鮑家橋之危
 急且包鮑魚口之險隄重圍疊堡可保無虞但開濬古
 河不無少損田廬墳墓之處附近居民徃處堂之智諒
 多曉曉顧成大利者不惜小害當俟臨期酌議周恤惟
 是築壩開河工難並與應分爲二年一年開濬一年建
 築庶幾次第得宜業民樂趨河流通暢壩亦
 鞏固豈惟一第得宜業民樂趨河流通暢壩亦
 州人吳元桂開河說乾隆二年州守范公條議開河築
 城一摺詳哉言之適值調任壽春五年秋逢大憲臨州
 履勘千載一時時州守張公錦蒞任慮功大費繁難勝
 厥任不肯細陳利害又大憲履控時值春水未生江潮
 尚淺未覩險危急迫之狀視爲緩圖遂寢其議七年州
 守常公廷璧從紳士請爲權宜之計按糧鳩工自古家
 碾至鮑家橋築一月隄復於鮑魚口東嶽廟至上季家
 圩築一月隄共計一千二百丈有奇鮑家橋之險可暫

保無虞而鮑魚口新築終難恃以無恐且自汪邨至王
 家渡約五里許河身逼近無地再築以護韓隄正擬詳
 憲開河通水讓出填基適撫憲張公親勘情形面允
 所請而開河之議始定誠五邑之福命也 采訪冊
 新河在無爲王家渡卽下河乾隆十六年江南總督尹
 公繼善請於王家渡一帶另開新河一道起劉家渡止
 張家灣袤四千一百九十四丈寬三十丈深一丈四尺
 三寸上游襄安迄西之水匯馬家渡入此河至姚家溝
 分二派一出泥汊是處近因埝江建有月隄河已一經
 飛雁投湖北遼州城出裕溪而王家舊渡遂淪於江
 附錄新河原委乾隆十年江南總督尹繼善奏請無爲
 州動帑開河一摺工部會議查無爲濱臨大江舊有大
 埝一道抵禦潮汐該督既稱緣江中生有三洲洲頭支
 水逼沖埝根以致屢經沖圮應於鮑魚口鮑家橋二處
 加築一堰方保無虞奈逼近大河無地可築必先另闢
 河道讓出餘地然後築埝有基議將王家渡一帶河道

阻塞其遵改河道並挑挖白米埝河共估需銀三萬八千七百八十八兩二錢四釐零等語應准其於王家渡一帶另開新河一道使足以容納來水下游通暢所需銀兩在於現存水利餘剩銀兩內動支給發興挑俟完工日照例核實造具清冊題銷其應行新築堤隄應聽百姓仍循舊例按糧起夫毋庸動項至現存舊堤仍令該督嚴飭地方官督業民同新築堤工隨時保護修防以資捍衛又從前挖廢田地應納錢糧果有攤貼等弊苦累小民應令俟工竣之日詳細確查分晰題報戶部豁免可也 采訪冊

月河在無為州荻港圩北乾隆五十二年因新河逼近大河築壩無地巡撫書公麟奏請開浚起沈家塘至方家橋袤五百九十四丈底寬十五丈面寬三十丈中深一丈五尺導黃白二湖之水使荻港圩涸出餘地為立壩之基

壩之基

附錄月河原委安徽巡撫書麟為恭懇借帑開河築堤以衛民田事竊照安徽省沿江各屬圩田居多全賴隄堤續修廬州府志 卷十三 水利志 三

捍衛據署無為知州陳聖修稟稱該州沿江大堤荻港圩一帶近年江流北趨逼近近堤根堤內即係大河前無餘地築堤應於大河之北起沈家塘止方家橋開挖月河一道以通大河計長五百九十餘丈挖廢田一十餘頃將舊河身築斷肩乾填實堤基得八十餘丈庶可藉培經久但民力拮据請援成案借項開挑等情當批飭藩司陳步瀛親勘確估需土方案工料銀三萬六千五百餘兩援照二十九及三十五等年無為借項築堤之案借給挑築分年徵還等情詳請前來查無為州江堤為廬江巢縣和州含山等邑保障既因江流刷進內逼大河單隄一線應行開河讓地以培堤基但該州連被災歉民力不支司庫現在社倉息穀變價銀兩原係奏明留為水利圩田等項工程之用合無仰懇准無為州借銀三萬六千五百兩分作四年照糧攤徵還款則民力得以舒徐堤基資以鞏固至該州舊堤仍令歲修保護其挖廢田畝按糧查明照例詳請題豁合並聲明 采訪冊

引河在無為州永成圩乾隆五十八年月河又將淪沒上河未及興工巡撫朱公珪奏請開浚引河起楊家壩

至耿家段袤二百四十八丈面寬三十丈底寬十五丈中深一丈五尺導大河東北流使永成圩之北涸出餘地幫築裏壩以為重門保障

附錄引河原委無為州知州蘇椿為請開河道以培堤工事竊照五十二年前署州陳聖修詳開月河已經築堤目今永成圩一帶又值頂衝該處堤埝二十餘丈最為危險擬開上河猝難興舉因旋據州紳耆呈請權於永成圩胡家邨後開濬引河一道通水讓地築堤有基實為救急之計奉憲委葦蕩營參將田宏謨勘估於胡家邨後起楊家碓至耿家段開挖引河一道計長二百四十丈面寬三十丈底寬十五丈深一丈五尺又即以挑挖之土堆築南北兩岸計長二百六丈七尺以資抵禦又於上下水口出入處各築攔河堤一道通估需土方九萬二千有奇查州屬江堤如遇月辦大工或開河等事係用糧夫挑築民力民辦刊載江堤章程此次開挖引河並修築新堤仍舊遵循辦理無庸請借帑項合併聲明 采訪冊

上河在無為州大成圩中乾隆五十九年巡撫書公麟

續修廬州府志

卷十三

水利志

三

奏請民力民辦開浚上河起二沈家閘至東圩閘袤十六里六分面寬三十丈底寬十五丈中深一丈四尺洩黃白二湖及州西南諸山水由飛雁投湖南出泥汊北東出裕溪分達於江

附錄上河原委兩江總督書麟奏為查勘無為江堤情形並酌籌辦理緣由事竊照無為州沿江大堤上年江水漲發流勢湍急秋汛水落汕刷底腳空虛致張謝圩永成圩一帶江灘外陷二十餘丈塌及堤身經臣與撫臣飭令該州用料搜護並將堤身幫賠以資保守在案臣查該堤於乾隆十二年修築嗣因江流北趨逼近堤根即屬大河並無餘地培築據該州士民共籲開河讓地以作堤基經臣於安徽巡撫任內奏蒙 允准轉飭遵辦今越數年堤身塌卸若不於臨江設法保護殊非經久之計隨檄葦蕩營參將田宏謨會同廬州知府和騰額確勘估辦據稟張謝圩以下堤裏現有五十三年所築七堤可作重門保障永成圩堤兜灣處尚露堤基應行幫築寬厚其堤後即係大河黃白二湖入江經由之道無地圖築至於堤外水深五六丈十餘丈不

等土係浮沙如做埽工勢必外游壑陷若照從前以石
 支水之法堆砌石塊以挑江流或拋填碎石以護堤根
 均恐不能存立實在難以挑江流或拋填碎石以護堤根
 離堤四里迤北上河基址白二沈家岡起至東圩開止
 開口挑新河以洩黃白二湖之水由飛雁投湖下注出裕
 溪口達江將舊河攔截涸出則填上距河較遠餘地甚
 多得以培築大堤等情臣因該州江堤為廬江巢縣和
 州含山等邑保障攸關緊要於二月二十四日親赴無
 為州沿江上邑保障攸關緊要於二月二十四日親赴無
 六丈至十餘丈不等永成圩外江內河僅存一線單隄
 臨江既難施工後又無地幫築據該州紳士籲請開
 築上河讓出餘地培築堤基以冀一勞永逸並以此項
 工程係保障民田廬舍請即按糧出夫通力合作次第
 興辦不敢請項詞甚懇切臣與司道府公同商酌自應
 俯順輿情准其自行興挑查上河身寬狹深淺不一力
 勝圩一段應於平地開挖總以口寬三十丈底寬十五
 丈深一丈四尺為度即以挑河之士幫築堤基並填實
 舊河更為利便現飭藩司曉諭各紳士公舉董事如式
 挑辦責成該府州往來稽查一俟工竣臣再親往查驗
 仍飭將臨江大堤隨時保護並將永成圩新估土工即
 令歲修圩夫趕辦穩固以仰副 聖主奠
 安水土保護民生至意恭摺奏聞並繪圖貼說

補錄州守張僑乾隆三十九年開上河議襄安下河舊
 有三開河之議舊亦有三由馬家渡至大成圩中溝此
 上河也由劉家長河至夾馬店小長河此中河也由劉
 家渡至耿家長河張家灣此下河也乾隆初年議論紛
 紜生員范允岱耿馮房監生胡炳議主上河為一勞永
 逸之計生員洪繼牲議主中河而附近居民不欲置其
 田廬於河外力主下河其議遂定令水行河道即下河
 也俗名新河曾未二十年又須另開則前之修濬挖廢
 為徒勞矣今若仍開中河恐亦不過十餘年又須另議
 開河倍加耗費愚見敢以上河為請蓋西南諸山與黃
 白二湖之水俱由西河山東灣與湖隴白米滕水會流
 至襄安馬家渡大河西北諸山之入二范家岡其俱由
 襄安馬家渡會西南之水入二范家岡其俱由開城橋至
 道至陸家廟灣轉曾家壩穿大城圩中溝直出飛雁投
 湖此中雖有挖廢田畝然去小利而遠大害亦與情所
 允協也 按是時張公議開上河朝不待夕仍不果行
 復遷延二十餘年乃定雖欲不置附
 近田廬於河外卒不可得時勢然也
 安徽巡撫朱珪為察勘情形據實覆奏事臣於四月初
 四日前抵工所逐加履勘查無為州南四十里前臨大
 江沿江築堤綿亘幾二百里堤內俱係圩田緣江水北
 漲而內河之水迤邐東南惟永城圩處所一線單隄幾

有江河合流之患查張謝圩現修堤工長二百餘丈丁
程業有五分至永城圩現在幫築修補工亦及半惟是
內河逼近近根外勢頂衝內無餘地最為險要仰蒙我

溜勢離堤稍遠可以化險為易真切要之工刻不可緩
者臣等遵即面諭董事等於河身東西遵
開引河一道迤長二百四十丈面寬三十丈深一丈五

尺即日趕緊興工限一月開竣然後築欄河堤使河水
由北東暢流而永城圩內河可以涸出餘地幫築裏堤

以為重門保障可免沖刷潰決之虞矣再書麟所請田
二分沈家開起至東圩開止開挖上河一道計長十六里

六分此河開成則白黃二湖之水依王姥山麓而東約
距江已遠數里輿情踴躍萬口皆符但工程較大雖係

紳士保護田廬自行出費捐辦若經理稍有不善則不
肖官吏藉端侵蝕無籍匪徒包攬勒索有不可不嚴加

防杜臣確詢輿論引河工竣已屆盛夏水漲農忙難以
興工須俟秋收後水勢既定即行開挖趕於立春前竣

事則事半功倍實為合宜隨公選般實董董事盧大鵬等
分段承挑以專責成其餘各糧戶通力出夫集事民力

民辦地方官祇令彈壓催查概不撓越如有官吏藉端
滋擾臣即據實嚴參毋稍假借查無為知州蘇椿現任

丁憂臣遂有壽州知州趙霖人結實勤幹檄委署事詳
續修廬州府志 卷十三 水利志 三

飭實力稽查分投樹椿明白出示務期諸弊肅清並委
廬州知府和騰額及府州丞倅等分番催查臣於堤工

引河將竣再親身赴工驗收其上游河屆開工之期仍隨
時往來督查俟工竣放水前咨會臣書麟親往查驗其

在開河挑廢田畝糧額飭藩司周樽確查詳辦外所有現
在開挖引河及繪圖貼說恭呈
訓示

遵行
安徽巡撫朱珪為驗收無為州上河工程據實陳奏事
茲據廬州知府和騰額署無為州知州趙霖稟報上河工

程於三月二十六日全河一律完竣請驗前來又准督
臣書麟會屬臣先行驗收放水以便人夫歸農初四
日抵工查驗看得上河工程由二沈家開起至東圩開
止計長十六里六分面寬三十丈底寬十五丈中深一
丈五尺臣督同廬鳳道及該府州逐加探量與原奏丈
尺俱屬相符隨飭將留驗上堤及首尾攔堤起樁挑挖
臣親駐河岸日夜督催於初七日申刻開堤放水河流
暢順舟楫通行該處距江較遠且非倚王姥山麓實可
保護圩田一勞永逸臣仍飭於舊河上下各築攔河堤
一道使全河皆歸新流其永成各圩及臨江大堤飭令
隨時保護務期一律穩固至各董事原任華州知州盧
大鵬及蕭萬潮謝之芸謝裔寵孫純徐必烜戴時敘凌

鐸錢鰲蕭恒王自鍾十一人俱屬急公歲事當卽酌給
匾額以示獎勵該府和騰額該署州趙霖與各委員等
實力催查並無侵擾情弊與論帖然除挑廢田畝糧額
實奏聞又兩江總督書外所有驗收上河工竣情形據
麟奏與前同故不復錄

鳳凰頸新河距城東南四十里道光五年州牧劉用錫

諭董籌款由新城圩內開挖計程五里許使上游之水

由姚家溝達泥汊出江近兩頭建有橫堤河已廢州志

水道壅塞必資開濬無為州之開濬莫要於河莫便於

開民苦飢溺久矣欲舉無力謹歷敘稟議疏河建閘原

委用觀厥成至舊載挖洲一說勞而無功是開濬失宜

者附存以示炯戒采訪冊

郡守黃雲光緒五年稟請泥汊神塘兩河一案疊奉各憲批飭查議各前

續修廬州府志

卷十三

水利志

完

牧守均未具覆事關民田水利卑府未敢因循遂於赴
州督修堤工之便親履兩河確查塞口徧訪民情實係
利少害多民商交困必須去堤建閘及卑府查勘情形籌
前州稟塞河口廬江縣詳請改閘及卑府查勘情形籌
畫改作各節縷晰上陳伏祈鈞鑒查同治十二年二月
閩據無為州舉人張銘銓等聯名稟稱州境濱臨大江
民田倚江堤為命江口有三裕溪極下神塘居中泥汊
極上昔年口去堤遠水必紆折而入今崩江逼近泥汊
口入水甚遠若不堵塞雖大堤堅牢無補於事稟稱將
隨糧畝捐為泥汊築堤之需一俟來歲豐收再行籌款
建閘作永遠之策等情經李前守飭據代理州尹牧沛
清稟稱同州紳履勘神泥兩河源自舒廬兩縣山水注
蓄於黃皮湖白湖流入州境至鳳凰頸分兩支一由泥
汊出江一由城西馬口又分兩支一向南入神塘河一
向東由黃維口入裕溪河每遇江湖泛漲總由神塘泥
汊兩口倒灌而入無為首受水患不揣冒昧督董興工
已將兩河堵塞等情奉前撫憲英批司妥核是年十一
月旋據署廬江縣李令如飭通詳據紳士山西知縣許
大用等聯名稟稱泥汊江口向係廬無兩邑水道田資
灌漑舟楫通行商賈輻輳無為州今春填河築堤商民
束手受困等情到縣查無為堵築泥汊江口恐其內灌
不知一經築堤水不流通廬邑城河遇旱無水居民怨

苦不便一也舟楫不通生意清淡店舖閉歇不便二也
 倘遇山洪漲發無處宣洩無為廬江均成澤國田廬何
 以保全不便三也且商賈不至羅昌河釐卡幾成虛設
 不便四也夏間晉省蒙憲籌及築堤貽患改開啟閉庶
 幾備洩兩屬均安等情奉升憲裕批府受議通詳至改
 開經費宜如何飭州籌辦由廬江協濟等因前守雖經
 轉行迄未詳覆此州紳請塞泥漢一口徐圖建開尹牧
 遠塞神泥兩口未議改建及縣紳以商民受困李令請
 改建開之原委也卑府前奉委修該州江堤乘船由巢
 湖東口經黃雜河出裕溪口溯江而上駐泊工所日聚
 萬餘人閭閻州紳民皆在其間卑府詢其兩河堵塞究
 如何愈稱我州四面皆水多係圩田泥漢神塘裕溪三
 河通江原係古制實為利賴間遇江水盛漲之年灌入
 內河圩堤不無臨險若得圩民齊心救護亦無妨碍自
 兩口堵塞江潮雖不能入而腹內黃皮湖白湖上承舒
 廬二邑並巢湖之水均由州境一線河流自南而北繞
 到黃雜河以入裕溪出入內河形勢彎曲水行紆緩既
 難暢遂自必橫流放決隨處浸漫我等腹地數百圩面
 而臨水年受若再不將兩河疏通建開專任堵塞
 終成腹心膨脹之症卑府又問爾等既深知兩口堵塞
 為害何以當日稟請築堤之事據稱當日祇知江潮為
 患未嘗計及山洪蓋知其一而不知其二築堤之舉自

春夏潮漲時計之誠為有益自秋冬放水時計之實有
 大害即如去年白茅決口江水內灌內河內湖之水更
 難疏消至今無慮交界固皆一律汪洋而泥漢堤內各
 圩亦已積成巨浸等語卑府旋往泥漢查勘經該處巡
 檢華君鑣帶同圩民數百人環求掘堤放水旬日之間
 方能涸出田地至今暫改陡門以便疏洩是其明驗又
 往勘神塘河上承廬邑湖水來源以洩州南之水當江
 流倒灌時原可堵塞至旱年水平時亦宜疏通由此觀
 之泥漢神塘兩河之塞不特夏日廬江之民切齒不便
 即現在無為之民亦共相嗟怨深為不便矣又查卑府
 地口形西北高而東南低即無為地勢亦然該州將南面
 江口閉塞而卸水北趨內河豈不瀦決為患自來水鄉
 河道均須宣洩疏通或建開閘啟閉從未有專任堵塞一
 法該州境內三口裕溪專洩巢湖之水古人創興水利專洩黃白
 兩湖之水神塘分洩州南之水古道人創興水利專洩黃白
 河已歷數千百年從無更易即道光時頻年江水為災
 亦祇議建開未聞將江口堵塞塞尹前牧為一時權宜之
 計遂將兩河堵閉去一患又增一患後之牧令非不知
 塞河之害建開之利奈艱於籌款亦泄之牧令因循今駐
 兩月有餘詳細詢訪人無智愚皆願折去死填改駐州
 閘庶於商民兩便卑府前泥漢堵塞為念言詞慷慨願助
 談及地方利病首以泥漢堵塞為念言詞慷慨願助

金為建開之費而營官曹德慶亦義形於色願竭力助
捐囑速稟辦足見人情急公莫不欲興利除害此卑府
確勘周諮務須改闢之情形也惟是人心固屬樂從而
工費尤當籌計兩處河口以泥汙為急而神塘次之綜
計兩河建開估費約二萬金此外開旁建屋置備開板
蘆葦繩索等物派董經理僱夫看守視外江內河之水
勢以時啟閉而宣蓄之亦須永遠經費竊念無慮連歲
歉收開費專取於民誠恐力有未逮再四籌思若兩河
開通商船先受其利關卡亦均有未逮再四籌思若兩河
商民合捐庶易集事民捐則先儘紳富再及田糧無為
二股廬江一殷商捐則抽稅加一隨正抽收關卡則先
墊若干收捐足數而止均須核定數目示諭周知以免
經收倘蒙體恤民艱籌撥款項先將泥汙改開作為官
公帑將神塘開闢費作為民修俾可擇日興工尅期告竣
商賈有通行之便民田無積滯之憂則釐稅自充糧賦
自足且去數年之壅患成千載之良規兩邑商民咸歌
樂利矣按改建石閘實為要圖惟經費浩大當宜寬
籌

附錄州人下翰清光緒三年稟請開河建開稟州壤素
稱澤國外築江堤以禦江潮屢沐皇仁借帑興

續修廬州府志 卷十三 水利志 三

修金湯鞏固垣內圩田資以保障民生利賴闢田日廣
闔州田賦百萬而圩鄉實居其七江堤之後是為上河
乾隆五十六年有奇三閱月而工告蒞上通廬江下為泥
開挖通江之水口有三曰泥汙曰神塘曰裕溪泥汙居
汜凡通江之水口有三曰泥汙曰神塘曰裕溪泥汙居
上春水方生上接至鳳凰頸引黃白二湖西來之水折
而至飛雁投湖以迤於東秋冬水落注於江河道數
十里形如弦直出水利便實為廬邑之水口神塘居中
河面既寬河底亦深水得順流州城距河口五十里數
他處為近州境諸水所出焉裕溪最下上洩巢湖全
湖之大旁引黃白二湖之遠二水合流其源各數百里
江湖內灌夏秋暴漲運漕黃雜河交匯之區汎濫洋溢
莫必西東冬令水退出口則尤為湍急此則州境水利
情形之大致也同治八年九月大水壩圩連破幾成巨浸
十一年圩田又水圩內之民兵燹之餘加以饑饉十室
九空朝不謀夕十二年尹前州謀諸紳輩為暫拯目前
之急冀免江潮之患將兩河口堵閉原議俟民力少舒
作建開疏河之計其如州民元氣未復艱於圖始自南
河堵閉經今七載各邑之水計程三百餘里並出裕溪
一口加以江潮春人洪泥年墊塞河身秋冬出水停
蓄坦緩力不能任其沖刷致州西南鄉上抵廬江百
餘里圩田年年積潦難退內浸汪洋田低河高無法疏

放不能播種有田如無戶口逃亡糧賦虛懸為患一也
 開遇久旱之歲內無山洪積潦偶涸而播種後期江潮
 不得逆入上灌支河汴港盡行淺竭圩田向無塘塢即
 欲就大河桔槔取水非數十盤難到江心人力疲而腴
 田廢成荒畝為患二也圩內之民即起填之夫圩荒積
 散垣工誰任為患三也即幸岡圩開有所收穀米堆積
 難遇富商大舸入河收買但用小划展轉撥運出江零
 售往往不得平值穀賤民窮為患四也河身淤墊日壅
 日高圩田則日形窪下年復一年設遇山洪猛發不日
 廬無圩田盡付波臣而建甌之勢直注和舍內漫巢合
 厥患尤鉅何可勝言為患五也此五患者州民無不疾
 首蹙額而相告即職等亦徒歎望洋周知所措猶幸有
 貢生蔣一鑑著有開說一篇極為暢論因取其說相為
 集議僉謂為今之計泥汴神塘兩渡口欲求宣蓄得宜
 圩田無旱澇之患非建開不可然揆今時勢建開之舉
 亦有不無易者五昔年泥汴口水路出入並無阻塞今
 家溝已越宛垣廬江之五里以通飛雁投湖引大河之水
 絲溝開挖舊河十五里以通飛雁投湖引大河之水加以
 洩於江而上河白鳳凰嶺以上節節淤淺非全河大加
 疏濬水不得暢行一不易兩開並建需費不貲匪獨勸
 捐派夫民力萬有不及縱能仰邀憲恩籌借鉅款勉力
 興工將來攤征還款廬無二邑受其利自應公攤然如

何分道非如何限年必須多予竟期量益任數乃無推諉
 况河道非先清上流導之使下則全河終易淤淺徒勞
 無益亦非鄰邑協助不可二不易兩口建開沙多泥少
 地力鬆陷必須多釘椿石工料堅固籌費選夫專司
 啟閉以爲一勞永遠之計職等未敢贊詞三不易建開
 疏河五六萬金難以持久職等未敢贊詞三不易建開
 清出是事繁如百子橋螺絲溝開河兩岸圩塹亦須
 稍寬民封不無少損又瀕河一帶圩塹應就開河之土
 如何一詞築室道謀迄無成算非闔邑官紳不避嫌怨同
 執一詞築室道謀迄無成算非闔邑官紳不避嫌怨同
 任其勞事不克舉四不易或既建河口遂開帆檣如何
 行關卡是設釐稅是征啟閉或不能聽民自便直如何
 請示立碑詳定章程且開工非土工之比良匠難求責
 成匪輕五不易職等識苦拘墟事不獲已而羣相欣幸
 者恭值公祖大人五馬雙旌榮濯吾郡仁心仁政愷澤
 覃敷春開臨工累月櫛風沐雨不惟大堤事半功倍如
 下東鄉一帶江塹十數里人情歡躍萬眾畚築全堤立
 成秋稼豐收咸慶大有則是大造於州有明徵矣今州
 西南上連廬邑不下百數十圩積潦疊災窮而無依職
 等或田畝拋荒身受其害或親戚呼籲目擊為災為此
 繪圖抄說公叩仁施詳請各上憲俯念民隱奏明暫借

庫款五萬金興建堤工設法疏濬河道並請飭廬邑紳民戮力同心一體分成分限徵還以除二邑數年之患而咸百世不廢之利云云按兩稟先後均奉各大憲溫語褒嘉批准在案論董高學熙丁翰清齊來芸林宗俊何兆清籌款舉行洵萬世之利也近據土人云劉家渡楊家橋堤內有謝家月河古開外有張小圩護堤誠能一律加高連建三關重關疊障當無妨礙且地居上游形如弦直出水尤為利便州守閻公博採輿論擬於一節省之道附錄事半功倍亦

補錄州人蔣一鑑擬建沉汜漢神塘二江口閘說州濱江澤國距合廬舒巢和含六邑上游患之大有二外則官堤暨沿江民堤二百餘里實為七邑保障險急之處日削月坍非沈石建支挑溜壅沙不足牢捍禦而策永久此予於堤決之道光十一年歷引奏詳成案創沿江復建石支設上郡憲劉養雲公祖蒙代呈前藩憲寶大公祖復經州先達代上制憲陶宮保皆蒙嘉許惜以工鉅費難不行內則泥汜神塘二江口大為七邑腹心之患按州田計一百餘萬山田十僅有三餘則盡屬圩區四鄉計四百有奇州民悉依以為命每夏江潮大汎泥汜口由襄安直灌黃白二湖既滿山洪踵發襄安新河下口鳳凰頸不能宣洩上自開城橋以內下至高姚

二溝百餘圩堤受害矣而湖口不能暢洩廬江所有汀塘亦害不可支神塘舊名柵港江湖由馬溝北驅黃離西北徑灌焦湖焦湖跨合舒巢三邑湖水既滿三邑山洪並發倒洩至黃離河上有黃白二湖合江湖下往馬溝渡復匯馬溝下注黃離五水並出裕溪一口上游愈形阻滯遂使馬溝以上四連五連九連十連官鍾等圩馬溝以下九連一百八圩並城河以內山圩暨三閘數十圩無不受害矣和含緊接下游其害自不待言而焦湖浮橋下口河身偏灰水鉅不能暢洩遂使巢邑沿河百餘圩堤及合肥東大圩西大圩施口上中下三派河長歷河舒龍池塘三河馬尾河等處亦害不可支今計除七邑圩區之害莫若於二江口立閘且以鄉里之防賊也必協力同心據守總隘村堡乃得各享其安水之於圩亦然州四鄉舊各有開志載北鄉黃金三閘及高墩大實永臨太平周家樂家黃姑諸閘皆係一鄉築鑰而江口二閘未建猶之外戶不閉祇扇內戶勢與不扇等此道光十二年所以堤未破而三閘先破其明驗也江口二閘實統一州數百圩並六邑數千圩之總隘總隘固守各村堡安堵無恐矣今試卽建閘之利陳之每湖汎二口有閘內河低饑必得四五尺不獨灘麥河秧每歲保護不下數千萬金卽隔冬積水過深春夏雨濇數尺各圩陡門乘時得以開放如不可開亮

埃高嵒坦心車斛將合州圩區有田背栽有栽必獲非
 僅圩無荒田且無滯栽新秧與補種晚秧之苦匪直此
 也州人嫉水如讐妨疏丈更尺堤動以搶救逞究禍傾
 房產善連西垣東墻恒以浸淹構訟好絕親鄰聞建而
 潮不衝堤圩不積水強救之克莫逞浸淹之內圩堤也設
 財產於無形風俗且以益厚而非僅利腹內圩堤也設
 遇非常大水大堤及沿江民堤或有險急內圩既無搶
 救搬徙之勞自可併力一心爭堵臨江外患是向之圩
 保一隅而不足者今以數十圩保一堤而有餘二開並
 有碑沿江之堤更非獨利州民也泥汙得開江潮不
 灌廬江使黃白二湖長餓而廬江蒙利矣神塘得開江
 水不灌焦湖使焦湖長餓而合舒蒙利矣和含近接
 州壤蒙利尤與州等然則二間之建除害務盡興利無
 窮非汲汲籌建之不可或曰子言二間誠防江水之巨
 如潮水有時亦巨何曰人知開防江水之巨不知開正
 兼防湖水之巨也湖湖山洪如先江潮而發則由黃維
 逕下裕溪咸稔其無害州人紛紜梗議惟黃白二湖水
 出泥汙河開礙懼難宣洩要知江口建開操縱在人江
 高河餓封開禦江若湖水灌河高江餓自必啟開洩
 河大江源發數千里湖洗動經累月湖水無源來猛而
 去亦易沉湖洪流至新河下口一下泥汙一出鳳凰頸
 兩路分清更無所苦且無閘之日每歲湖洪必後江洪

每夏令江水常先灌二湖致迫山洪倒瀉流至新河江
 水復匯支撐勢尤洶湧三水爭出鳳凰頸此地河身窄
 窄通州共知二水兩地分趨尚懼不暢三水並趨一地
 獨不懼逾常莫暢乎即令江遲或與二湖同時並漲泥
 汙總為進阻湖洪爭之口非讓洩湖洪之口所以前此圩
 堤屢破皆江湖交爭之為害非湖水單行之為害也
 見泥汙有開一使江水不先灌二湖使二湖漲受山洪
 不致到瀉復會江流為患二使江湖並漲專讓湖受水
 行不令上流或憂遏塞神閘於焦湖亦然鳳凰頸三水
 爭趨襄安上下百餘里與廬江同受其害黃維與焦湖
 倒瀉或江湖並漲則又五水爭趨七邑上流所由無不
 受害也然則二閘與三湖不惟無礙而且有益故謂閘
 建州圩並和含受利而廬合舒巢因而蒙利者也或曰
 如子所言造閘誠利圩區如商賈舟楫不便何且與二
 關稅有碍勢必不行曰從古莫不重農抑商誠以農必
 悅耕於野商乃願出其塗二閘不建州民歲苦水災商
 賈即來何益且各邑鄉鎮河街糜不紛紛受水久安之
 商賈尚播遷不遑計方來之商賈乎況開建每巨湖
 封閉不過四五十日非獨街鎮之苦播遷商賈均沾其
 福即此外商船必欲此時來州或就二口起廢或下至
 裕溪轉遊州河水腳多花不過二三百餘里視農民被水
 成災生命莫保輕重何如也況此四五旬中商船之來

有限而七邑田廬人命之關係無數可稽平至二口關稅泥汶則蕪湖分關神磨實為關卡僅查偷漏關固十萬獨非上之關而七邑田廬生民計數百萬帑課計數仁憲夙抱阜民裕國深心斷不忍顧借區區關稅為不由泥汶必由裕溪裕溪亦無虧損而潮平開啟商舟不收於此必收於彼毫釐固無或有或曰子言開誠利復不礙關稅仍十月有奇關何礙之有或曰子言開誠利復不非常之工自必有三四萬兩論此事原為保護田廬起見似應按田攤捐然恐礙難准辦允當之計莫若按力捐輸州田百萬有奇除去零星下戶三四十萬其百畝以上至千畝者當得田六七十萬如有大力而好善者破格倡捐闔州共仰否即按田百畝約捐銀一二兩此外鉅商大賈均蒙開利亦勸集捐夫以百畝之田亦輸銀若干視潮洶救圩橋木柴竹席片等費相懸不可道里計況遠隔捐輸祇此一歲所費少而累歲獲償無算無關破費未有窮期贊雖繁而累歲恒無一獲耶猶有冀者自占輔車之依恒多將伯之助七邑憂樂同源我州任其勞兼輸其費若歲歉力不能濟六邑之中豈

無慮遠思深聞風響應者為助同舟指臂此事特患不為不患不成也萬一不然相度緩急可先建一開費減半而功易成俟東北百餘里圩區及和含巢合舒五邑獲收成效然後踵建必甚易也或曰開獲建啟閉何時司開何人日開成善後事自當妥為籌畫且他邑沿江各開每歲經管修理當有成規無難仿效惟啟閉應於何時鄙意於開墻畫上中下三制每潮平上制必開以禦潮潮平中制即啟以通舟潮平下制仍開以蓄水咸定為常毋稍紊誤將不獨潮漲圩堤受利即潮退各邑沿江不致有冬涸之憂至州城河潮漲不使紅沙灌注淤墊河身潮涸不使數口逕洩俾河街一帶居民交冬飲濁此又開利之兼及者也顧此事非異人任也惟州長者仁人桑梓勞心芻蕘探聽繪全圖而貼說籲當路以勘詳合力籌捐尅期成事俾民早除腹心之患不獨一州永歌大有即六邑咸頌樂郊開利無窮諸父老所造之福亦與無窮也至開式高卑廣狹為之合宜與垂之永久諸父老誠明經畫當有盡善盡美者予不贅按是說作於道先初時兩口未閉潮漲為患利在防堵近則泥神均築橫垣河道漸皆淤塞江湖可禦而山洪難洩利在疏通今昔時勢不同而開之宜建一也補錄一圩堤坦堤州外患也圩堤州內患也欲求所以

治之非外建石支內造石閘不可如外建石支內閘不
 造雖堤堤鞏固江水內灌圩堤受害矣若內造石閘外
 支不建堤堤崩潰圩堤莫保矣兩者有相需無相妨也
 堤堤自明迄今始胥家堤以及四五六七八堤旋築旋
 潰卒之一線土堤難支洪濤冲刷此此外患也堤堤形如
 偃月環視太陽雪花灘北諸洲皆從前堤基也江中突
 出諸洲江溜北傾堤受其壓求禦之之法惟石足以蓋
 土與水相敵也水勝土不能禦求禦之之法惟石足以
 敵之在堤堤項冲處建石支以禦北衝之勢且石可挑
 溜南行以射沙洲之患沙州崩土必北徙成洲矣道光
 十二年以前府憲劉在棕三廟建石支必北衝之勢且石
 能盡挑已有小效石支下淤成小堤冲出江心未始非
 石支之力若接長四五丈對面諸洲可盡冲潰矣論
 應建石支之處橋上江溜北傾建石支以禦冲刷土
 橋下青山圩堤可保矣棕三廟新插石支接長四五十
 丈下土星祠一帶堤堤可保矣至王家渡建石支以下
 堤堤可保矣至王家渡建石支以下堤堤又可保矣
 自青岡寺起至上新圩止堤工五十五里數支水即可
 保矣雪花諸洲竟可還北矣此建石支必收其效也自
 臨江埂至黃絲灘蚊子港止一百五十餘里均係險工
 形如偃月受對洲江溜冲刷若建石支通境江堤永無
 外患矣再以州河水道圩堤論之州水口有四一土橋

一泥汊一神塘一裕溪土橋泥汊神塘皆受水之口出
 水僅裕溪一口而北巢邑巢湖西廬邑黃白二湖水皆
 匯於州河並出裕溪大水江潮由三口入兼黃白二湖
 水注其中裕溪不能宣洩圩堤所以受害此內患也再
 四籌之士橋旣有閘矣莫若泥汊神塘添建石閘使江
 流不能內灌潮漲閉潮開不過數月閒耳且州境非
 水馬頭無阻商之患本處雜貨起駁兩不相妨閘費不
 過兩萬金可保數百萬田廬費無多獲利無窮州圩堤
 有歲修業戶大鳴鑼持械索取樁木酒食錢文稍不遂
 虛糾領多人鳴鑼持械索取樁木酒食錢文稍不遂
 折人房屋此等惡習殊堪髮指若兩處造閘江水不能
 內灌圩堤可保無恙尋圩夫飯椿本酒食等費可省此
 實一勞永逸可以歌大有慶豐年通州圩堤永無內患
 也總之石支建堤外患無虞兩閘造圩堤內患無害
 矣查神塘舊有閘因年久崩坍遺趾尚在又查乾隆十
 五年前防憲王以堤堤迎溜頂冲日受吞噬叠築叠壘
 詳請上憲折歲修夫之半古家碾苑外建石支當蒙撫憲
 入奏奉旨俞允古家碾苑外建石支當蒙撫憲
 久良法至今頌德歌功若能如是行之不獨州內外患
 除田畝無恙和含廬巢四邑屏藩州境被災四邑先受
 其害天下未有同其利而不分其害者今以五邑之害
 合一邑當之未免向隅第工程浩大州境叠遭水患民

力不給必須和含廬築四邑分段同辦眾舉易舉可望
速成若僅州歲修三千三百名夫承辦每歲不過敷衍
其事填堤難望鞏固矣

附錄挖洲說乾隆甲申後濡郡江堤連潰欲捍築無地
取土工役維艱三十四年撫憲軫念民依親勘得江水
斜溜緣江心有太陽洲阻塞下流不能順勢遂致回蓄
堤址屢為傾圮議於大陽洲首大為開濬使其勢不觸
流回溜庶堤基可固而水患可弭並以所濬之士舟載
渡江增築北岸更為一舉兩得因飭州守張僑派夫開
濬累二三月洲勢低豁疑為有益豈知洲根深固又本
以壅聚沙土而成督役雖嚴而旋濬旋淤力勤效少至
舟載之上又屬細沙雖用以增築堤不粘膩萬難
堅久馴至五六月閒江潮猛發而大工因以中止是年
州被水災田廬悉沒迨水定視洲仍如故勞民傷財
無濟於事徒辜憲德耳五十四年道憲某復堅意倣而
行之不一月閒其弊視前此為尤劇是挖洲一役於江
堤毫無裨益而在我州轉苦疲累矣因附錄於此以存
戒鑒

百子橋河舊志未詳疑卽孔家河距城南四十里計長

續修廬州府志

卷十三

水利志

三七

二千一百九十丈南近慶豐等圩北近洋子圩上通飛
雁投湖下經高家溝達泥汊出江西南水道向由姚家
溝徑出泥汊是河無大裨益故廢棄今姚家溝已越兜
堤故道隔塞欲於泥汊建閘必開是河方能通流工估
土方一十二萬待籌款舉行

飛雁投湖河居新洋子圩中舊址甚隘咸豐元年府丞
常浴州牧林蘭動用畝捐開挖寬深使上游之水迅流
出江近被山洪填塞節節阻滯非疏通不可又鳳凰頸
對岸王家圩旭橫亘河心最易攔水開挖使直水流暢
是皆開濬所必及者

以上開濬各議

州圩越灘成田全恃堤捍衛江水故前志於江堤獨詳然自嘉慶八年後屢築屢潰當時腹內預建之堤堤圯塌過半其存者亦非舊制今將近年禦水各堤開列於後

三堤堤自青岡山起搭青分堤止工長七百八十餘丈係居江堤之首是處老堤同治八年沖潰得難接復九年春前州牧王鴻飛詳請帑銀九萬兩按方津貼諭董募夫承修經撫委尹牧沛清外委沈殿元監督嗣經前州牧陳炳加意培築最爲堅實其老堤創始各情詳前志三堤下

青分堤工長五十三丈建築年月失考

續修廬州府志

卷十三

水利志

三六

李瑩堤工長一百四十一丈五尺建築年月失考

李瑩外堤工長一百餘丈因李瑩內外皆塘勢甚危險光緒二年春前州牧吳灃掣派江堤例夫分段挑築

碑旭堤工長一百二十九丈建築年月失考

古家礮堤工長七百四十六丈六尺建築年月失考

六堤頭堤工長二百九十五丈五尺

鄭家灣堤工長二百六十六丈

夏家旭堤工長一百三十七丈

土星祠堤工長一百六十二丈

王網墩堤工長一百二十六丈

王小圩堤工長一百二十六丈

劉家渡上攔河堤工長一百二十丈

古小墩堤工長三百六十七丈

楊家橋堤工長一百七十四丈 現擬於是處建設陡門詳開濬下

楊灣長堤工長一百八十二丈道光二十四年州牧雷

時夏起江堤例夫建築

九年改建堤工長三百三十丈

大成圩改建堤工長三百餘丈二堤建自咸豐元年時

城陷未復州牧朱堯金督舟師駐紮劉家渡見崩江逼

近諭附堤民夫應役穿建同治元年委員黎福疇會同

州牧劉燧基動支州境戶捐責令江堤額設例夫分段

加築高寬始禦江湖而大成堤內尚有冲險工段前州

續修廬州府志 卷十二 水利志

三

牧穆其琛在同治四年洲廠大文案內挪款五年春諭

董加修完固

新河上岸堤工長三百四十丈同治四年州牧穆其琛

起江堤例夫由南岸河埂加高幫寬

八年改建堤工長三百八十一丈咸豐八年由南岸河

埂加高幫寬

新河南岸堤工長八百六十八丈道光年由河埂加築

侯王廟堤工長三十六丈道光年攔河建築

東灘圩橫建堤工長七百七十七丈由姚家溝南岸河

埂加築

東灘圩直建堤工長八百五十四丈由圩內廢田建築

南接四埧堤起北搭李家渡河埂止二堤係咸豐元年知府盛挑築

東灘圩后埧堤光緒元年前州牧吳澧因外口崩逼近築董履勘自田家灣起至姚家溝三官殿后搭老埧止工長四百餘丈派撥江埧例夫分段承修其兩頭起止以及中弓均係填河而成所需椿木柴纜在義倉項下挪用

以上自青崗山起迤邐至劉公廟界碑止工長八千丈有奇總名江埧捍禦江潮全賴是焉實爲和合舒廬無巢七邑保障

青山圩堤自土橋街頭起至棕二廟胡家溝止十六里

續修廬州府志

卷十三

水利志

四

許向係正埧後三堤退建改作護堤道光年水是處緊迎對江成德洲頂衝崩潰不能接復同治元年經委員黎福疇與州牧劉燧基履勘從半擴山腳起至青山圩中工止橫建長堤一道計長六百餘丈每年按工之大小堤撥江埧例夫修築

以上係埧外護堤

泥汊柵港二埧堤計長各十丈有奇同治十二年春州牧尹沛清因江潮泛漲直灌兩口內河迭遭水患爲一時權宜之計撥款論董挑築自此僅有裕溪一口出江且環繞二百里許山洪宣洩愈形迂滯近擬建閘約估銀四萬兩俟經費足方可興工

永成堤在銅四汎柵港下建自同治九年工長六百餘

丈

永定堤在白茅嘴下迎三江口頂衝同治年經王牧鴻飛陳牧炳尹牧沛清迭建生工均崩潰光緒元年吳牧澐勸諭周鄉五里七十二圩同力合作穿建長堤八百餘丈未幾又潰五年春廬州府請帑二萬兩迤下添建生工七百二十餘丈親臨工所加意督築堤基甚爲完固從此臨江一帶及和含二邑可慶安瀾矣

瀨浦灘堤建自道光十五年自雍家鎮南岸東首起至和州萬河口止工長三百一十丈新挑灘堤一尺可免內堤十丈之害董其事者州人戴鴻儒

黃絲灘堤在銅三汎距城四十五里原長七百八十丈

續修廬州府志

卷十三

水利志

四

外連八圩內護四十八圩嘉慶四年州守顧浩因外灘漸坍詳院奏准在原堤處所讓近一百五十丈建月堤一道長六百四十四丈三尺面寬二丈底寬六丈七年復建內堤一道長一千一百八丈照舊議逢甲己年四十八圩幫修餘係西八圩歲修道光十二年知府劉易爲九底三面與四堤工程一律自周三汎樣埂頭起至周四汎姚王廟上工長二千八百餘丈又道光十八年前知州劉化國於灘內口起至下三叉內口止添建月堤八百丈亦係九底三面後對岸洲灘漸長蘆葦日盛久無風浪之虞添建月堤迄今三十餘年並未抵水而每年修築仍舊催集四十八圩額夫先修此埂致頂衝

最險之白茅泰豐保林嘉泰等圩民夫一田兩差不免顧此失彼矣以上係臨江險要堤

按正堤自青岡寺至劉公廟五十五里臨江自上新圩至神河圩五十里自臨江堤至雍家鎮交和州界一百里

以下各堤均據州志

胥家堤事在明正德間見江堤章程原隸內地後經沖面二十里有舊堤遺址

猶稱胥家堤云今已圯

周思溝堤在無為鄉不詳始建前志載外截江流潮患後春夏淫雨有湖水內漲之患議建石堤舊洩今圯入江

鄭公堤在鮑魚口一帶濱江地勢獨險明嘉靖間州守鄭愷興請於屯臺築長堤十餘里潮患頓息民

續修廬州府志 卷十三 水利志 望

德之目為鄭公堤今圯入江

一堤在鮑魚口濱江明萬曆十六年州守陳應龍因鄭堤將圯起台州圩夫築之民稱陳公堤今圯入江

二堤在鮑魚口萬曆四十四年知州孫慈因一堤將圯起夫興築自青山圩至韓官圩計五千七百餘丈

今圯入江

三堤自青岡寺至和尚圩計五千二百餘丈萬曆四十五年州守陳鳴熙因二堤將圯申請撫憲協濟工

銀六千八百兩並本州倉穀起糧夫

一萬一千二百名補築今亦圯盡

四堤順治九年因三堤勢危州守佟國楨州倅王瑞麟起合州糧夫自鮑家橋至周思溝計築四千丈有

零今亦圯盡前志訛

十六年築通志因之

顏公堤江溜逼衝四堤將決康熙八年州守顏堯揆自李家祠至王家渡越築八百八十丈濶三丈高一丈九尺九年大水四堤圯卸幸此堵禦並和含

巢賴焉州民勒石曰顏公堤仍名四堤今亦圯盡

五堤險州守張國楨接築越堤捍之併顏堤俱曰五堤

亦名張公堤

六堤康熙四十四年州守孫成已築自徐家龍潭至周思溝計七里亦曰孫公堤今圯去過半存者名曰

六堤頭自是以後以幫築者為月堤特築者為大堤

李公堤康熙五十五年州守李延煥見舊堤勢危起夫自夾河稍古家碾鮑家橋鮑魚口至蔡家龍潭

幫築月堤以防坍塌缺明年堤破賴此堵禦

韓公堤康熙六十年州守韓繼先因李堤單弱起夫自鮑家橋至文思庵另築月堤計一千二百餘丈

常公堤乾隆七年州守常廷璧見舊堤傾危李韓二堤單弱難禦起夫上自古家碾至鮑家橋築一堤

計一千二百六丈司訓金玉式董成其役今圯

橫河小堤在劉家渡六堤內乾隆十一年閒濬新河所築計六十一丈雖無關江上險要但上禦西

水泛溢亦不可廢十四十六兩節次增修今存

永定堤乾隆十二年起夫上自鮑家橋下首至橫河口與老堤相接計二千四百三十丈高一丈四尺

續修廬州府志

卷十三

水利志

望

頂寬三丈底寬九丈最為緊要鉅工仍名六堤按此據江堤章程今無有知者按與白茅嘴下永定堤異

按新河浚於十一年自後因以堤堤在前者為舊繼築

者為新濱江為外堤腹為內

外一堤在古家碾計長二百三十丈即今古家碾今已圯

外二堤在鮑家橋計長一百七十四丈二堤俱乾隆十三年建十六年增高即今鄭家灣堤今已圯

外三堤在夏家壩計長一百十六丈乾隆十四年建十六年加高幫濶即今夏家壩堤已圯

外四堤自夏家壩至王家渡文思庵公館計長二百九十六丈乾隆十二年建十四年增修十六年加

高幫濶今已圯

外五堤在王家渡文思庵前長三十一丈乾隆十四年建十六年重修又增小堤二十一丈今已圯

外六堤在王家渡營汎東計長三百八十丈乾隆七年建今已圯

外七堤在王家渡新營汎計長二十七丈乾隆八年建今已圯

以上皆係臨江緊要工程

內一堤 上自古家磯下至鮑家橋計長八百三十一丈乾隆七年建今已坍

內二堤 在夏家壩外三新堤後計長二百三十二丈乾隆十四年建十六年增高今已坍

內三堤 在外四新堤後計長一百九十一丈乾隆十四年建十六年增高今已坍

內四堤 在文思庵後計長一百十四丈乾隆十三年加鑲十六年增高今已坍

內五堤 在季家圩長二百十丈乾隆十六年增建今已坍廢

內六堤 在內五新堤後荻港圩計長四百七十七丈乾隆十四年建十六年增高今已坍

以上皆係次險工程

陳公堤 乾隆七年後所築堤頃僅存十之一二二十九年州守陳文言因紳士蔣志昂等請詳照糧派夫

一萬五百三十三名零以入千五百七十名自六堤尾至何家壩築堤長二千七十三丈底寬九丈頂寬三丈

高一丈四五尺不等以一千七百五十五名在季家圩築堤長四百四十七丈高寬同前以二百一十三名零在

續修廬州府志 卷十三 水利志 器

文思庵前築堤長二十八丈六尺高寬同前委吏目王敏鑑土橋巡檢張琪黃洛巡檢程士棠督成今已坍

蔣公堤 乾隆二十五年州守蔣尚桓照糧派夫入千三百三十三名自李家墳絲棉樹至李家段老堤

築堤長五百六十二丈五尺自胡家磯月堤至鷺黃嘴築堤長二百四十二丈二尺自六堤尾至蔡家龍潭築

堤長五百九十四丈三尺五寸今已坍過半其存者今亦改名

按歷考堤工每春督以歲修閒年酌為新築歲修額用

圩夫 舊六千六百六十六 新築派用糧夫 糧額一萬五

萬五千 照糧攤派不下萬餘夫民力民辦事最易集後

乃視為年例督理不實積弊多端馴至二十九年江潮

猝漲堤堤衝決矣 六月初三日江自青山圩三堤頭決

十九洪潮內灌合州被災 沿江大缺口六十三小缺口一百八

後詳稟撫藩借帑修築 鼎修全堤 乾隆三十年奉憲勘議堤頃一併加築以資捍禦並增建荻港圩至永成圩月堤自干利

柳至青岡寺十六里餅子舖至劉公廟五十五里上新
圩至神河圩五十里臨江堤至雍家鎮交和州界一百
里各工除照糧起夫外仍題借
帑銀三萬兩三年帶徵歸款

中段月堤 乾隆三十二年州守張橋自古家碾至

七堤 乾隆五十二年州守張衍齡奉憲開浚月河即舊
名七堤又以所浚之土堆築月

河南北岸南曰八堤北曰九堤

張謝圩月堤 乾隆五十八年濬引河因築月堤長

攔江堤 乾隆五十九年開濬上河於柯家灣張

神塘堤 在柵港鎮祖師等圩距城東二十里明萬曆九

王崇義董役建築即灘為圩以防患長一千八百五

十八丈高二丈濶二丈二尺內加開墾播種悉成膏腴

臨江堤 在銅城鄉一畝距城東三十里向為

續修廬州府志

卷十三

水利志

畢

余家堤 在銅城鄉一畝

長堤 在銅城鄉一畝

走馬灘堤 在銅城鄉四畝距城五十里向濱河水勢奔

行者便之

周鄉二堤 在周興鄉一畝距城東九十里以上諸堤皆

斗溝堤 在銅城鄉二畝

大通堤 在燕家橋長九百五十六丈一在杜家橋長四百

八十七丈俱係往來孔道向兩旁臨水險隘僅容單騎

天雨泥濘行者凜凜萬慮七八年江防同知孫化龍掌

州事查志文相繼檄省祭官宇廷梅等修築堅實坦平

高濶視舊迥異民德之目為三公堤查守命易今名
清水堤 舊名堰在東門外壅水七

張古堤 在南城外無

文成堤 在城東北二里康熙二年築後或廢或建今仍

水不能合抱今此堤與黃金墩均開陰砂擊斷二水分

流元氣愈不固故科名仕宦迥遜從前卽財賦亦漸凋

敝有志挽回者非築黃

金墩開此堤不為功

補錄州人何大觀江堤說粵稽堤所由來起自鮑魚口

為首堤萬歷丁亥戊子開州守陳公應龍築萬歷三十

六年及四十一首堤沒起自青山圩者為三堤陳公鳴熙築

慈築尋沒起自青岡寺和尚圩者為四堤州守佟公國楨與州

起自鮑家橋至周思溝者為四堤州守佟公國楨與州

倅王公瑞麟築起自李家祠至鮑家橋者為新堤則自

州守顏公堯揆始也蓋堤蝕如常山蛇江水澎湃直

齧其趾尺寸不堅必潰決莫救江水自西南復繞而東

日夜與堤戰而攻其瑕吾濡澤國原田十之三而闔郡

多仰食於三百六十之圩堤一潰雖有良苗善稼頃刻

為大浸而數百萬生民其魚矣故他屬待命於天濡獨

與水爭利江以南所稱白馬紫沙萬興等洲皆吾濡桑

田也南有日長之士北有無土之糧堤日退而欲殺江

之怒江日進而必蝕堤之防自一而二而三而四今將

續修廬州府志

卷十三

水利志

吳

徙而五矣濡地有限而江患無窮欲不堅五堤以思善

後之策豈可得哉五堤自李家祠至鮑家橋祇補其最

危而先蝕者耳鮑家橋至周思溝不數年將又議築築

則必起糧夫召數千人聚之堤上蘆屋葦蓬旦夕暴露

則憂在風雨築則必以初春舊穀既完二麥未登裏糧

力作則憂在飢餓築則必有州佐巡司董其役則憂在

緜擾築則必用圩首及都圩首富者思脫疫者難代則

憂在失人至吏胥有舞文之弊紳矜有躲差之弊土人

有包攬之弊工之不力堅瑕各半雖築猶未築耳而其

善豈可勝言哉所望於後之父母必如陳如孫如佟如

顏而後可以議築云 按是說作自 國初近則江日

為鄉四邑

在城東北二里康熙二年築後或廢或建今仍

地詳前輿地志形勝又此堤開黃金墩堤致眾

與黃金墩均開陰砂擊斷二水分

此堤與黃金墩均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

均開陰砂擊斷二水分

費七十文此外浮費一概禁革如敢苛派擾累及圩首
 董事私收肥已者本府一經訪聞即按與受同科之例
 嚴辦至浮費既除工歸實濟如再有包攬牽算及包沙
 草率諸弊定即重懲罰令補修其補種蘆葦栽插楊柳
 毋得任人作踐均責成圩首董事妥為照料毋負本府
 整頓圩務保衛民生之至意各宜凜遵毋違特示計錄
 升任布政使司裕批開查無為州江坦為無為暨合廬
 巢舒和含六縣田廬保障民命所係近年以來積弊已
 深亟應力求整頓以收實效該府議請首禁牽算嚴禁
 包攬刪除浮費廣種蘆葦均深得窳要除嚴飭該州遵
 辦外並由該府督飭該州切實仗估認真經理毋得徒
 托空言日久生懈該州江坦雖屬綿長然每年歲修地
 段究不比創建生工向來額設圩夫六千三百五十九
 名毋論土方多寡例應供役每名仍繳椿柴工費錢七
 十文大洋洲又額繳柴四千餘束工料並非短絀果能
 年年盡心踏勘核實估計斷無不敷嗣後江坦工程除
 實係生工用款較鉅不計外所有歲修工程即以額夫
 六千三百餘名椿柴錢四百餘千柴四千束覈實應用
 不得濫行捐派以節民力該州同知州同二員江防本
 其專責除應有養廉各項外該員等查工及駐工彈壓
 歷年仍各給薪水銀一百兩夫馬飯食錢二百串原無
 賂累其紳董書役弓彈手等飯食紙張等項按名計日

各有開支亦不合其楊腹從公均足以示體恤綜計每
 年交與秦洋復三官洲租息銀八百數十兩全數作
 為此項之用實不少何得此外再行索派致滋擾累
 今據稟該州額設圩夫應繳椿柴錢文外仍每名出錢
 一千四五文為各衙及經保諸色人等一切費用實
 屬有意浮派無怪圩夫及經保諸色人等一切費用實
 役既經額外收受陋規遇有工程草率偷減之處自必
 扶同欺飾安能認真稽察此弊不除殊難整頓此項錢
 文應即永遠禁革所有官紳薪水夫役書差飯食等項
 應照定章在於秦洋文興復擬三官洲租息銀八百數
 十兩之內動用報銷前項派費陋規自此次禁革之後
 不准再取分文倘有陽奉陰違一經訪聞或被告發定
 將該州官紳從嚴參辦至此項填工浮費既經刪革較
 之往年民力實為有餘該紳民等自當激發天良各勤
 工作務期歲收實效保衛田廬不得仍前怠玩該府為
 親臨上司耳目較近如有不肖紳董並書差人等仍前
 苛派需索以及工程有草率偷減情弊即行飭提
 郡破除情而嚴行懲辦毋稍寬縱是為至要此繳
 江坦樊寶叢生端皆造於牽算與費者長可移短險可
 移夷不與者反是牽算無准浮費愈革愈增前知府李

炳濤與知州吳澧廉得其情勒石永禁首重牽算誠爲法良意美惜牽算所以爲患之處尙未逐細剔清謹按算必先牽牽有鬆緊之別牽必以尺尺有大小之分至紅椿浮置土上遠近寬濶不難更移欲杜斯弊每屆工估先期當堂較准牽繩十掛弓彈手給二三掛餘則分給各鄉圩董圩首令其互自復丈每段下紅椿處頂腳及兩頭應齊何所用鐵簽挖土尺許填以石灰則牽爲有准而算可立清凡遇險工應用椿柴再能歸官給發則工歸一律人無趨避浮費不待革而自除浮費除而人有餘力有不踴躍從公者豈情也哉

黃汰圩換子堤湯家堤緊要堤黃汰圩及季家閘黃水

閘陳家閘共二百餘圩民命所關不小黃汰圩堤抵禦西河山水三閘諸圩堤抵禦焦湖洪潮二處工程最爲浩大與東南四堤中隔巒山計數百里許黃汰及三閘等圩舊曾屢稟各大憲勘驗批准東南四堤西北黃汰圩及三閘利害相均勢不相涉嗣後各築各圩埤堤無許攀累尙有奸棍藉四堤爲名違悖成例指詐黃汰三閘攀築埤堤許具實呈稟等語批文詳康熙十三年碑記後鄉先輩李大悅等復將前情具稟各大憲各大憲亦復批准在案復立碑記載入三閘各圩簿至黃汰圩換子堤在黃汰圩西建自道光三十年計長三十六丈腳寬三丈面寬一丈抵禦西河山水最爲緊要每年務

其大圩挑築無許居民興種雜糧致堤埂有害湯家墳
在太平鄉五畝長八十四丈建年失考抵禦黃塘圩季
家閘數十圩內灌之水保護後河黃陳兩閘長豐圩一
帶圩堤並各鎮糧倉關係最重

臨江不得妄扳銅鄉各圩幫築原委銅鄉一百一十五
圩南禦江潮北拒湖漲西當山水之衝三面受敵危險
較勝臨江每年歲修只築本圩從無幫築臨江及他圩
之例雍正七年前州牧張奉前撫憲魏札飭審詳批州
定案勒石垂禁碑碣尚存光緒五年銅五汎紳耆又經
遞呈東七西七大菱小官九曲五孤圩係州東上游頂

湖水山洪合衝繪圖貼說求杜飛扳經知府黃示給業
佃人等遵照嗣後該五孤圩與濱江埂堤無涉應免派
夫出費云云

續修廬州府志

卷十三

水利志

完

圩

無為鄉

一畝

城子圩

舊圩

南都圩

興谷

藕河圩

二畝

嘉城圩

王家圩

新城市

民家沖

馬新圩

佳興圩

三畝

永豐

萬家灘

上新圩

下新圩

洋子圩

陳家圩

袁城圩

曹婆圩

潘家塢

袁家廠

夾江圩

張家圩

郭家灘

寶興圩

鵝兒圩

安福圩

朱家圩

小圩

鎮河圩

陳家圩

潘家圩

許家圩

張家圩

杜家圩

童河圩

明塘圩

吳家圩

習家圩

王

五畝

沈家圩

習家圩

六畝

習家圩

童河圩

家圩

團城圩

習家圩

六畝

習家圩

童河圩

謝家圩 夏家圩 王家圩 倪家小又名倪家圩
趙河圩 長岡圩 黃汰圩 良長圩 劉小解又名
劉家圩

泥汊鎮 漕婆湖 駱家圩 張家蕩

太平鄉 一畝 常豐圩 景德圩 姚堪圩 二畝
曹小圩 崇林圩 立勝圩 畢家圩 柴吳圩

郭家圩 朱家圩 田家圩 荒圩 羅家圩 馬家圩
劉婆圩 周家圩 賈家圩 塔城圩 袁家圩 謝家圩
李家圩 聊家圩 大塘圩 張仙圩 後城圩 張荒

四畝 方家圩 魏家圩 石磯圩 毛家圩 汪家圩
魏家圩 大塘圩 魏家圩 魏家圩 魏家圩 謝家圩

五畝 高家圩 張新圩 東馬圩 西馬圩
獨官圩 燕家圩 嚴郭圩 王家圩 許

郭壩圩 油塘圩 城隍圩 蔣荒圩 東荒圩 神子圩
前馬圩 關家圩 馬公圩 永勝圩 東荒圩 神子圩

六畝 神林圩 義興圩 朱家圩 川子
吳羅圩 陳家圩 義興圩 朱家圩 川子

七畝 黃埠圩 霧露圩 小垵圩 季小圩 范家
黃埠圩 霧露圩 小垵圩 季小圩 范家

續修廬州府志 卷十三

開城鄉 一畝 西都圩 侯兆圩 童家圩 孫家
董家圩 葉家圩 寶勝圩 潘家圩 張紀圩 方家
胡家圩 花橋圩 新興圩 湖塘圩 石牛圩

大豐圩 橫岡圩 紀家圩 萬家圩 新塘圩
馮家圩 沙灘圩 石橋圩 長城圩 新塘圩

四畝 雙城圩 萬家圩 新塘圩
大駱圩 雙城圩 萬家圩 新塘圩

三畝 大駱圩 雙城圩 萬家圩 新塘圩
小駱圩 雙城圩 萬家圩 新塘圩

襄安鄉 一畝 廢圩 全二畝 趙家圩 梅家圩 雙城
黃家圩 張家圩 團頭圩 石樞圩 丁家圩 郭家圩 三益

周家圩 魏婆圩 仰城圩 方家圩 郭家圩 施家圩
周家圩 魏婆圩 仰城圩 方家圩 郭家圩 施家圩

三畝 胡家圩 李家圩 胡蘆圩 三畝 翟家圩
胡家圩 李家圩 胡蘆圩 三畝 翟家圩

二畝 保甯圩 嘉泰圩 陳義圩 陳慶
保甯圩 嘉泰圩 陳義圩 陳慶

一畝 薛家圩 明車坂 官夾套 二畝 安慶圩 谷受
薛家圩 明車坂 官夾套 二畝 安慶圩 谷受

上汪圩 下汪圩 官夾套 二畝 安慶圩 谷受
上汪圩 下汪圩 官夾套 二畝 安慶圩 谷受

下汪圩 官夾套 二畝 安慶圩 谷受
下汪圩 官夾套 二畝 安慶圩 谷受

永城圩 義成圩 柳莊圩 周家圩 沙柳圩 張
 雙成圩 長脚圩 陶家圩 東漢圩 魯家圩 磨盤圩 官谷圩 金城圩
 家圩 三畝 唐牧圩 戴呂圩 安谷圩 保勝圩 牧馬圩 金城圩
 姚寄圩 四畝 瓦莊圩 戴安圩 化圩 姜家圩 王余家
 南圩 西灘圩 五畝 紀家圩 興化圩 常義圩 少盛圩 王家
 圩 秀實圩 連成圩 邢史圩 石家圩
 澗墩圩 麥湖圩 秀實圩
 銅城鄉 一畝 佃河圩 佃港圩 洪溪圩 十甲
 四所 二畝 賈家圩 純安圩 大謝圩 梳蓬圩 許家圩
 三畝 純熙圩 展作圩 九河圩 仁和圩 正河圩 北官
 圩 重和圩 王家圩 甘家圩 紹興圩 大承圩 什豐圩 興祖
 圩 辛巳圩 保勝圩 東走馬 四畝 臨江圩 陳家圩 朱家圩
 鳥土圩 青墩圩 西走馬 五畝 楊家圩 小辛圩 劉代蓬
 鐵脚圩 朱家圩 七郎圩 保官圩 小劉師圩
 圩 新安圩 崇甯圩 大菱圩 楊家圩 劉師圩
 圩 代蓬廠 九曲圩 水利志 至
 續修廬州府志 卷十三 水利志

南鄉 一畝 大有四 蔡家灘 楊青圩 興成圩 白米塍
 二畝 練塘圩 新安橋 義成圩 姚家圩 承豐圩 蔣家圩
 楊家圩 四畝 鄒港圩 五畝 金墩圩 李橫山圩 杜成
 童家圩 大策圩 六畝 高陽圩 李家圩 梁家圩 重興
 楊塘圩 鐵練圩 坵城圩 七畝 南塘圩 瓜城圩 望家圩 吳
 圩 長子圩 練塘圩 岫山圩 荷苞圩 戚家圩
 長稍圩 胡瞳圩 保眾圩 南塘圩 瓜城圩 望家圩 吳
 呂坵圩 雙城圩 保眾圩 荷苞圩 戚家圩
 家圩

北鄉 一畝 大古圩 李華圩 菱角圩 三角圩
 黃土圩 芮城圩 劉家圩 王家圩 臨河圩 蘆廠圩 百萬圩
 秦家圩 孫小圩 張家灘 新圩 宋河圩 臨湖圩 獐鹿圩
 圩 孟家圩 張家灘 新圩 宋河圩 臨湖圩 獐鹿圩
 圩 環璫圩 金山圩 天成圩 史家圩 蘆花圩

北鄉 一畝 大古圩 李華圩 菱角圩 三角圩
 黃土圩 芮城圩 劉家圩 王家圩 臨河圩 蘆廠圩 百萬圩
 秦家圩 孫小圩 張家灘 新圩 宋河圩 臨湖圩 獐鹿圩
 圩 孟家圩 張家灘 新圩 宋河圩 臨湖圩 獐鹿圩
 圩 環璫圩 金山圩 天成圩 史家圩 蘆花圩

楊家圩 正河圩 三畝 童家圩 楊柳圩 方家圩
常志右據八鄉圩口冊志之小者未悉按無為圩居十
之七其圩夫除築本圩外強半歲修江堤餘修臨江堤
黃絲灘等處惟官鎮二圩列不赴堤疏濬錦繡溪及一
帶官溝各陡門併車耳北陡門水澆灌墨池各有差役
賢有司加意勤恤以資蓄洩俾旱澇不能為災則天降
康年皆官貽渥澤矣又以上三百九十四圩今均存其
中少有挖廢不具載他若青山等四十
四圩或全圯或挖廢過半詳後冊漲類
以上捍衛各隄 圩附

蓄以禦旱洩以防澇水利之常也州東南抵江湖西北
病湖漲外築垣堤以資捍衛內開閘堰以為出納而又
必濬溝洫疏原委三善始備陂塘泉箔蓄水所也閘則
蓄而兼洩者也圩尤蓄洩所最要者也故羅諸類於前
而以各鄉之圩列後

續修廬州府志 卷十三 水利志

陂

上箔陂 俗名白水塘在北鄉三畝距城百里長一百
三十丈蓄洩諸山之水灌溉田畝十餘頃
太平陂 在州北太平鄉長六十丈蓄洩坂
水深為利益灌溉田畝二十餘頃
永安陂 在襄安鄉長八十丈蓄
洩坂水灌田三十餘頃

塘

大泉坂塘 在開城鄉于家篷距城五十里泉深二丈塘
廣四十畝溉田五六十年任其自流旱年業戶照
石溝俱分子埂並置石閘澇年任其自流旱年業戶照
分放灌上滿下流毋得爭競塘底係亂石長成不用修
濬

蘇塘 在開城鄉幘頭岡距城三十五里周圍三百畝四
面坂水折入灌溉山田五十餘頃塘口置石溝鑿
有尺寸各業戶立即信水薄旱年
照田畝多寡用水按定時刻開放
毛公塘 在開城鄉一畝距城六
十里近田多資灌溉

審塘 在太平鄉天花寺距城二十里係北山之水折入

太平塘 在太平鄉周圍五十餘頃俱係

秀塘 俗名臭塘在襄安鎮距城四

泉 已見山川今復擇利灌田者列此

呂泉 深廣僅半畝四季不息

笑泉 深丈餘方廣八尺四季不息溉田五六頃下

仁泉 歲旱可灌田數十畝

箔

潘家箔 在南鄉二畝距城

開

黃金閘 一名黃金城閘今名季家閘距城北十五里外

續修廬州府志

卷十三

水利志

三

三百六十沖決全賴此閘蓄洩旱則開通以救田禾澇

則閉塞以堵江漲舊以木爲之屢致朽壞明正統開州

守王仕錫令耆民季希文募貲捐工

高墩閘 距城東四十里係洪溪廠涓安小謝三圩出入

太等請建石閘三圩

蓄洩始便居民利之

大寶閘 今名葉家閘距城南三十里明嘉

靖問州守方崇建以資蓄洩

黃樹閘 距城東北三十里大小溝洫甚多

陳家閘 距城北二十五里蓄洩

永甯閘 在太平鄉二畝距城北三十五里舊有邱家橋

改建閘以資蓄洩

太平閘 在太平鄉七畝

吳家閘 距城東十五里

樂家閘

距城西四十五里

黃姑閘

在黃姑鎮距城西南九十里蓄洩白湖之水灌溉田畝甚多並禦江湖漫溢附河圩岸得免衝突

灌子港閘

在周三周五汎交界處亦名雙橋道光二十

年再行建閘咸豐十年被賊挖開通船圩民病甚肅清後前州牧蔡諭按港內受益田畝籌款建閘是冬潮水未涸八九兩年又迭水未果行十一年春前州牧陳照案飭催責令原諭業董承辦閱數月而事歲十二年山洪洶湧州境圩田十無一存獨是處有秋於此益見閘之功焉

瀨浦灘閘

咸豐五年圩內紳民按受益田畝籌費公造

賈家橋閘

同治二年江必全余濟川等稟請前州牧穆技受益田畝籌費公造

各頃堰之下亦或建陡門石礪以資蓄洩然以捍禦為

續修廬州府志

卷十三

水利志

蓄

主茲不附入

斜塘閘

一名陡門建自明萬厯年節經修築臨河與水道利之

水家橋閘

向係木橋道光十七年改建臨河菱角孫小芮成等圩田七萬有奇咸利賴焉

孫家橋閘

李華常豐等圩水道利之以上三閘補錄

以上蓄洩各閘

州江面自石灰河九十里抵泥汊又三十里抵柵港又六十里抵蠓磯又三十里抵裕溪上下幾二百里其間埧漲不一往往埧於江北者即漲於江南嘉道以來田廬洲廠崩埧變遷更不一而足今詳載之

青山圩

居三埧外咸豐間崩埧入江同治九年委憲黎福疇在圩中穿建橫堤外廢棄

王小圩

居三星祠下嘉慶年舊埧崩改建三小圩堤田遂廢棄

張古圩 一名張謝圩 居劉家渡外 道光三年崩江

王家廠圩 道光十九年退建楊灣長堤

大成圩 居新河上岸 咸豐四年因外堤崩

新成圩 居鳳凰頸上 道光元年崩江穿

慶豐圩 在姚家溝後 光緒元年州首吳因外

東灘圩 居姚家溝外 道光二十九年崩江

萬家灘圩 居四堤下 同治八年填潰

永定圩 居銅四汛柵港下 同治八年外堤崩潰 九年春

神塘圩 道光年崩入江

祖師圩 居神塘河下 中

散汊圩 道光年崩入江

續修廬州府志

卷十三

水利志

五

泮河圩 道光年崩入江

神張圩 居余家堤外 道光年間起至同

白茅圩 道光年穿建

慶城圩 居姚家溝後 光緒元年因外堤崩

泰豐圩 居白茅嘴下 迎三河口 頂衝崩潰不止

和家圩 在無鄉二里 挖廢約半 連

下新圩 在無鄉二里 寶興圩 在無鄉二里 花家圩 在無鄉

廢夾江圩 在無鄉二里 羅家圩 路家圩 汪家圩 張家圩

丁家圩 崔家圩 舊圩 盧家圩 吳家圩

慶豐圩 在襄鄉二里 力勝圩 在襄鄉三

楊興圩 古家圩 永城圩 在襄鄉三里 今盡廢

大興圩 閩興圩 老興圩 復興圩 以上四圩在周鄉一里今盡廢

附錄州牧顏堯揆康熙三十六年詳請豁免賦文看得

張鄭福州等赴皖控豁卅江田地卽順治三年州民吳鄭

裴所控卅江一案也歷經前官勘過實崩田地灘塘共

一百四十八頃一十四畝六分計糧銀四百餘兩詳明

在案吳鄭裴等賠納難堪籲求均攤而前憲屢詳屢駁

究無定局順治十五年按院劉彙題請豁格於部議

不行康熙六年更造賦役全書雖蒙前撫張註入亦未

具題災民照舊賠納狀首吳鄭裴跋涉年久貧病繼殞

各戶皮骨俱盡輸將不前卑職目擊心傷每於行諮利

病時詳悉條陳今張鄭福等幸際撫憲仁心仁政為民

興利除害是以照案再控卑職遵奉憲檄往原卅界址

南自土橋東至裕溪逐一細看祇見滿眼汪洋無可著

看之區而災民羣擁馬首哀聲震地尤不堪聞蓋州壤

與大江相連古人築堤為防堤以內民耕之堤以外水

據之堤外卽有倏浮條沉之廢地民不能與水爭也水

勢日高堤塌日削雖極力修葺而狂瀾衝擊不得不移

入內地以避之自老堤塌移築內地者凡四今職所

新築入百八十餘丈雖名四堤併老堤通算已為第五

堤矣五堤之外盡屬波臣澤國況張鄭福等卅江地土

不在第五堤而在第四廢堤之外乎按其卅塌界址當

續修廬州府志

卷十三

水利志

五

時道府州屢經親勘結報印冊文卷昭然豈有未盡之

情何容捏飾之責卑職今從水中勘地既無地可勘又

安有補救之方且卅江地土若可築堤以圖復業則數

頃何須移入內地而拱手奉為魚鼈之巢穴乎此又情

理之甚明者也嗟此窮黎賙糧罔休流離他鄉不惟累

里排抑且累州員切膚之苦實關同病合懇憲恩轉詳

或特疏題豁或暫准均攤結多年不了之局救數百戶

顛連之苦仁德如天頌祝永垂千載至此案稽遲緣災

戶星散喚集難齊不敢草率回覆合併陳 按田卅賦

留實為民病我 國家深仁厚澤有加無已康熙年豁

免實卅田地灘塘共一百四十八頃一十四畝六分計
糧銀四百兩有奇乾隆二十一年豁除屯比田四十四
畝五分四釐五毫三十二年豁除民原實田五十六頃
七十五畝三分一釐三毫地塘溝折實田三頃五十二
畝九釐八毫有奇屯比科增田及草灘地四頃二十七
畝有奇四十四年豁除民原實田一十六頃八十四畝
五分二釐五毫有奇地山灘塘溝折實田七頃五十三
畝四分六釐二毫有奇屯四則田及草灘地二十四頃
八十分四分有奇五十七年豁除民原實田一十五畝
八十分四分有奇七毫地塘溝折實田四十五畝二分
八釐有奇五十八九兩年豁除民原實田一百二十九
畝八十分七分七釐三毫地塘溝折實田七頃三十四

畝五分八釐八毫有奇嘉慶四年豁除屯四則田十四頃二十四畝一分九釐三毫類皆隨題隨豁不使民累少稽自嘉慶五年至今節次崩坍為數甚鉅雖經查報未奉詳題謹贅數語以俟夫盡心民瘼者焉丁翰清識

濱江蘆洲土名

石灰河沙二段今漲

土橋河今漲

成得洲今塌

撫甯洲今漲

大興洲今漲

續生洲今漲

復興洲今塌

傍生洲今塌

連生洲今塌

復源洲今漲

重興洲共五段今漲

龍池澗今塌

雁墩洲今塌

伴河洲今全

萬興洲今塌

散汊洲今全

續修廬州府志

卷十三

水利志

七

補課洲今塌

超乘洲今漲

鯉魚澗今漲

石板洲今塌

官夾港今塌

盛家圩昔名盛家洲今塌

奧龍洲今塌

鄂江嘴今塌

長腳圩今塌

按州志載老洲土名四十有二今據現冊止二十五洲

其季家圩許家隴以及楊林洲靈璧洲橫墩洲神墩洲

新墩洲息爭洲永興洲白魚池葉家蕩陳婆隴新澗隴

夾溝場西江橋河南場青沙坊等十七洲均失考

蚊子港今塌

按州志由蘆田編入濱江凡四洲今在冊者止蚊子港

其皆家賽編入圩額灌灘場蔣家溝二處失考

定安連生洲外沙一段今名雪花洲漲

連安洲外沙一段今名還北洲漲

復凝洲原名復甯洲其四段又大沙包外沙包下十棚漲係州紳汪超乾隆三十八年捐充廬陽書院

膏火今子鈞加租承佃

按舊志載濱江新漲五洲今在冊止三洲其永隆洲官

洲失考

長河隴今漲

白馬駒洲上埧下漲

夾港廠今漲

下石板洲今全

太陽洲一名秦洋洲沙一段今漲

江東洲今漲

文興洲新沙一段今漲

螺磯洲今

續修廬州府志 卷十三 水利志

五

金帶洲今漲

按舊志載濱江蘆洲新舊六十今據現冊計之止三十有八餘失考

腹內蘆田土名

甘露寺今

下洋圩

按州志載腹內蘆田土名共二十有九今在冊者止此二圩其民家冲曹婆湖張家蕩駱家圩已編入圩額萬家灘八家灘加太洲牛門溝開興圩下新圩全埧他如化渡灣棗林沙黃泥嘴楊家圩鍾家圩凌家渡新灌灘張河圩謝家灘新溝洲虎潭港明車坂單夾場獐子洲烏魚蕩等處均失考

瓦莊圩

盛家圩

龍池陰

安慶圩

右四洲前志所無今據現冊編入洲地變遷不一今昔異稱其沿革不能盡悉也

以上坍漲圩地

謹案周文忠天爵守廬陽時於道光辛卯隨安徽藩司無爲查災其言曰斯民蕩覆屋廬露棲巔嶺雨淋日炙婦女哭泣竟宵有聲更有慘者隻身蹲踞破屋之顛風來搖搖如蕩舟而四面茫茫死在須臾卽不然一餓豈支長久所以救饑溺之法其最急無如救生船餅饘蘆席三項晉見時皆瑣瑣言之又云被水

續修廬州府志

卷十三

水利志

五

災壤圩埂皆破水鄉之圩係民生死所關民之凋敝如是豈能驟復爲今之計於今冬明春查明圩之鉅厚者以工代賑旣可救目前之急又爲有秋地步若復拘泥恐喪小民元氣不止今年矣又癸巳與人書云今沿江一帶水溢破圩又大於三年一尺人知黃淮淤墊而大江之淤墊辦理之紕繆未有一人議及者周文忠公尺牘觀文忠之言洞悉無爲瀕江利弊如此籌隄防疏濬者當留意焉茲取州人丁翰清采訪冊所紀開濬捍衛蓄洩坍漲各議並述於左

廬江水利

東鄉有五湖沙湖與黃陂湖相連在南後湖在中排子

湖與白湖相連在北黃陂湖通後湖者曰麻線河後湖通白湖者曰塘缺河五湖相爲灌注黃陂湖水東流經青帘鎮迎水庵入無爲州之西河白湖之水自黃姑閘東南流亦入西河至泥汊口入江同治十一年州民因江潮倒灌於泥汊口改築江壩水繞無爲州城南至裕溪口入江自此無爲西南兩鄉始免江潮之患而河道迂遠五湖之水不得暢行微特夏秋盛漲沿江圩堤有冲決之患卽至冬令江潮已退而河水仍然不落蓋緣裕溪爲巢湖出水之口自泥汊築壩奪流巢湖亦爲壅遏故廬江東北濱臨巢湖五湖之圩田常爲巨浸所害州民擬於泥汊建閘視江湖之漲落以爲啟閉此爲百

世之利惜因經費不足中止東鄉圩田臨河之埂尙易爲力惟黃陂湖北之新圩南埂黃陂湖南之南新圩北埂均屬臨湖須善防範又有總名東圩者週圍五十餘里內包五圩曰王家圩曰梅山圩曰南都圩曰北都圩曰西成圩其東埂卽無爲楊柳圩之西埂南埂臨青帘河西南埂臨黃陂湖南都圩界西埂一半臨後湖北都圩界北埂臨白湖西成圩界王家圩全屬州界西成圩屬州者三之二每逢修築必州縣圩董會議通力合作東圩出水陡門四在西南者三在東北黃姑閘下者一白湖積水較黃陂湖尤爲寬濶湖水漲漫陡門不得出水圩民每於春仲請示於塘缺河黃姑閘上築壩以阻白湖下灌河流

消退圩水可出塘缺河示由縣給發黃姑闌示移請無
爲州轉給并請飭土橋司到工巡行惟白湖兩頭築壩
濱湖灘田不無受累盛家橋貿易船隻盤壩壩旁居民
每有藉此把持者必須定以期限庶免向隅臨湖之埂
尤須勸栽蘆葦芟草以禦風浪

南鄉之水南流者曰羅昌河至桐城之袁子港入江東
北流者曰沙溪河曰黃泥河匯流入沙湖北流者曰瓦
洋河曰石槽河均入黃陂湖瓦洋河左右皆圩田河身
原來寬濶旁有長灘居民往往增作月隄佔蓋房屋栽
種樹木以致河身狹窄湍溜刷隄必須時常查察撤屋
讓灘毋使以小害大

西鄉諸山之水約分三路其南流者曰白兔河經桐城
之孔城至樅陽入江其北流者曰會市河曰金牛河曰
羅埠河皆匯流於白石山西斜向東北至齊頭嘴入巢
湖中路之水曰密埠河口繡溪皆東流匯縣河入黃陂
湖西鄉岡田居多多藉塘堰溉灌西北臨河之處亦有
圩田每遇山水陡發時虞漫溢然臨河之埂較之臨湖
自易保護

北鄉有山無多澗流微細自白石山至齊頭嘴河東圩
埂年久失修每逢湖水盛漲汪洋一片河西之圩卽便
臨湖東北風作湖浪衝激時出險工河西之四淋溝及
小套等七圩民力尙勤隄埂亦尙完固迤北之又沙圩

盛安圩東埂濱臨巢湖北連合肥同大圩西北皆係合
肥圩田兩圩地勢最低人事又復不齊圩內子埂全壞
天雨水多上圩之水順流下灌久成澤國然合肥二十
餘圩全賴盛安又沙兩圩爲之障蔽湖浪光緒九年工
賑局發銀派員將兩圩臨湖之埂大加修築而去今兩
年仍爲水浸人民離散隄埂漸就塌陷合肥圩民屢次
稟府轉飭將兩圩之埂設法保護雖埂由田派各有段
落勢難強流亡失業之民枵腹從事現於又沙圩范家
旭地方修建石閘盛安圩北合界原有老閘亦已重修
必俟水小之年勸令將圩內子埂興築清出河道然後
水路分明各守各埂上圩之水不得下灌庶東作可興

流亡可復

謹按此卷甫經編彙而廬江邑令錢鏐新修縣志出
見其所論水利有裨實用因采輯並列於篇

